

人倫部

無子

喪子 立嗣並附

祖孫

諸孫附

諸父

姪附

兄弟

從兄弟 兄弟俱實  
義兄弟並附

嫂叔

姊姪 小姑並附

閨閨子弟

世學 不克紹並附  
又見有子及不肖子門

世家

外祖孫

舅甥

外內兄弟

妻兄  
弟附

姑姨

姊妹

姊妹  
夫附

女

慧女

美女

宮粧附

醜女

事文彙集

1加3  
160  
314



新編古今事文類聚後集卷之七

建安 祝穆 和父 編

建業 唐富春 子和 梓

人倫部

無子

喪子 立嗣 並附

群書要語不孝有三無後爲大離婁老而無子曰獨梁惠內無

應門五尺之童李密表

詩句中郎有女能傳業伯道無兒可保家韓

喪子汝目汝面在吾眼旁韓祭女孥文

詩句傷心自嘆鳩巢拙長墮春雛養不成白愁淚隨心迸白



立嗣螟蛉之子。殯而逢蜾蠃祝之曰：「類我類我，父則肖之矣。」子楊

古今事實

無子無憂

商瞿年老無子。其母爲取室。孔子曰：「無憂。瞿年四十後當有五丈夫。」已而果然。

老而無子

楚靈王聞群公子之先自投於車下曰：「人之愛其子亦如子乎？」侍者曰：「甚焉。小人老而無子，知擠於溝壑矣。」

子自晚生

梁鱣年三十未有子。欲出其妻。商瞿曰：「吾恐子自晚生耳。未必妻之過。」鱣從之。二年而有子。並家語

不可無後

王思子文之治楚國也。曰：「子文無後，何以勸善使復其所？」改命曰生。宣四成季之勲，宜孟之忠，而無後爲善者懼矣。成人不可使恭叔無後於鄭。莊十六

若敖氏鬼。見課子門

多女無男

齊太倉令淳于公無子。有女五人，有罪當刑。罵曰：「生女不生男，緩急非所益。其幼女緹縈，自傷泣上書，願沒入爲官婢以贖父罪。」書奏，文帝憐之，除肉刑。

無子改娶

陵穆子娶妻五年無子。父母欲其改娶，其妻聞之，中夜悲嘯。陵



穆子感傷而作別鶴操韓文

無子依人

樓護字君卿。故人呂公無子而歸護。護養之終其身。

伯道無兒

鄧攸字伯道。後石勒過泗水。攸以牛馬負妻子而逃。遇賊掠其牛馬。步走。擔其兒及弟子綬。度不能兩全。乃謂其妻曰。吾弟早亡。惟有一息。理不可絕。止當自絕我兒耳。幸而得存。我後當有子。妻泣而從之。乃棄之。其子朝棄而暮及。明日攸繫之於樹而去。後妻不復孕。過江納妾甚寵之。訊其家屬。說是遭亂。憶父母姓名。乃攸之甥。攸素有德行。聞之感恨。遂不復畜妾。卒以無嗣。時人哀之。爲之語曰。天道無知。使鄧伯道無兒。

贊曰。攸棄子存姪。以義斷恩。若力所不能。自可割情。忍痛何至預加微墨。絕其奔走者乎。斯豈慈父仁人之心也。卒以絕嗣。宜哉。勿謂天道無知。乃有知矣。

喪子喪明以子係喪子

子夏喪其子而喪其明。曾子弔而怒之曰。喪爾子而喪其明。爾罪二也。子夏投其杖而拜之曰。吾過矣。

子死不憂

魏人有東門吳者。年四十。有二子喪之而不憂。其相室曰。公之愛子也。天下無有。今子死而不憂。何也。吳曰。吾嘗無子之時。不憂。今子死。乃與向日無子同。吾何憂焉。列子

老牛舐犢



後漢王彪位至太尉彪見漢祚將終稱脚攣不復行積十年後子脩爲曹操所殺操見彪問曰公何瘦之甚答曰悔無日碑先見之明猶懷老牛舐犢之愛操爲改容

鍾情幼子

王衍嘗喪幼子山簡弔之衍悲不自勝簡曰懷抱中物何至於此衍曰聖人忘情最下不及情然則情之所鍾正在我輩簡服其言更爲之慟

恨其死晚

郗超字嘉賓將亡出其所與桓溫密謀之書一篋囑其門生曰若家君眠食太減即出此書方回見之曰是子死已晚矣乃不復念

天下痛心

王愨期謂陶侃曰賢子越騎酷沒天下爲公痛心况慈父乎世不忍開篋

王道還臺其子悅未嘗不送又爲襲歛箱篋中物悅亡道還臺至常送處哭之至臺其母封篋不忍開之

神奪其子

王道子悅爲中書郎先道卒道先夢人以百萬錢買悅潛爲祈禱者備矣尋掘地得錢百萬意甚惡之一一皆藏閉及悅疾篤導憂念特至不食積日忽見一人形狀甚偉被甲持刀導問是何人曰僕將侯也公兒不佳欲爲請命故來耳導因與之食食至數斗食畢謂導曰中書命盡非可救也言訖不見悅隨殞絕



心疑計至

豫章太守顧邵雍之子也。在郡卒。雍時盛集賓客。自與愛慕而讀至無兒書。雖神色不變。而心了其故。以爪指掌流血沾襟。客散方歎已無延陵之高。豈有喪明之痛。世說

瘞於路側

潘岳西征賦曰。天赤子於新安坎路側而瘞之。注岳子以三月生。五月天六十餘日也。

以姪孫爲後

係立嗣

白樂天無子。以姪孫阿新爲之後。墓誌

古今文集

律詩

白蘇州寄詩有歎早白無兒之句。因以贈之。

劉禹錫

莫嗟華髮與無兒。却是人間久遠期。雪裏高山頭白早。海中仙菓子生遲。于公必有高門慶。謝守何煩曉鏡悲。幸免如新分非淺。祝君長詠夢熊詩。

古詩

以下係喪子

東野連產三子。不數日數失之。幾老念無後。以悲友。人韓愈推天假其命以喻之。

鴟梟啄母腦。母死子始蕃。蝮蛇生子時。坼裂腸與肝。好子雖云云。好未還。恩與動惡子。不可說。鴟梟蝮蛇然。有子且勿喜。無子固勿歎。



律詩

喪子崔兒

白居易

書報微之晦叔知欲題崔字淚先垂文章十帙官三品身後傳誰庇蔭誰

哭邢惇夫

黃魯直

詩到隨州更老成江山爲助筆縱橫眼看白壁埋黃壤何況人間父子情

吟白君哭崔兒詩悽然寄題

劉禹錫

吟君苦調我靈纓能使無情盡有情四望車中心未釋千秋亭下賦初成庭梧已有雛棲處池鶴今無子和聲從此期君比瓊樹一枝吹折一枝生

亡女生日感懷

戴叔倫

五逢晬日今方見置爾懷中自惘然乍喜老身辭遠役翻悲一笑隔重泉欲教針線嬌難解輕弄琴書性已便還有蔡家殘史籍可能分付外人傳

詩話

瘞女作詩

韓昌黎貶潮州時小女道死瘞之層峰驛之下題詩驛梁云數條藤束木皮棺草殮荒山白骨寒

祖孫

諸孫附

辭書要語鼻祖

見宗族注

無忝爾祖

繩其祖武

下武續其祖



考為民子之子為孫孫之子為曾孫曾孫之子為玄孫玄孫之子為來孫來孫之子為晁孫晁孫之子為仍孫仍孫之子為雲孫注輕遠如浮雲也爾雅仍漢書作耳應邵曰耳孫者元孫之子也言其去高曾益遠但耳聞之也惠紀注

**詩句** 郊超叛鑒似無孫坡

**古今事實**

祖孫並相

伊尹相湯伊陟相太戊

召公是似

召康公奭十六世孫召穆公虎佐宣王平淮夷故江漢之詩曰文武受命召公維翰無曰予小子召公是似

孔孫中庸

孔子之孫子思作中庸

祖孫移山

北山愚公年且九十面山而居懲山北之塞出入之迂也遂率子孫荷擔担石墾壤箕畚運於北海之尾河曲智叟笑而止之愚公長息曰我之死有子存焉子又生孫孫又生子子又生孫子子孫孫無窮匱也而山不加增何苦不平乎於是河曲智叟無以應之列子

三世惡始彰

左氏傳秦伯問士鞅曰晉大夫誰先亡對曰其欒氏乎欒汰虐已甚猶可以免其身禍在盈也欒黶也盈之善未能以及入武



子所施沒矣而歷墨之惡實彰將于是乎在後晉果滅欒氏應劭曰晉大夫欒書書子歷歷子盈書賢而覆歷歷惡而書盈曹大家曰天命佑善公惡非有差也然其道廣大雖父子百葉猶若一體也

在其子孫

陳厲公生敬仲其少也周史有以周易見陳侯者陳侯使筮之曰此遇觀之否曰是觀國之光利用賓於王其代陳有國乎不在此其異國不在此其子孫光遠而自他有耀者也其後陳桓子成得政於齊

不食示訓

石奮歸老於家子孫爲小吏來歸謁必朝服見之不名子孫有

過失不諄諄爲便坐對案不食諸子相責肉袒謝罪迺許子孫勝冠者在側雖燕必冠申申如也

皆以學顯

董仲舒子及孫皆以學成至顯官

封蕭何孫

漢武帝元狩元年封故鄼侯曾孫爲鄼侯

賈誼有孫

賈誼之孫賈嘉

不以產業

疏廣事見宗族門

有祖風

李廣有孫陵爲侍中善騎射愛入下士帝以爲有廣之風後降



虜隴西之士以爲深耻

遺以清白

楊震性廉子孫嘗蔬食步行或勸之開產業震曰使後世稱爲清白吏子孫以此遺之不亦厚乎靈帝謂楊震孫奇曰卿彈頂真楊震子孫

遺之以安

龐公未嘗入城府夫妻相敬如賓劉表候之龐公釋耕隴上而妻子耘於前表指而問曰先生苦居畎畝而不肯官祿後世何以遺子孫龐公曰世人皆遺之以危今獨遺之以安雖所遺不同未嘗無所遺也表嘆息而去

嗣守爲難

陳寔字仲子紀字元方諱字季方父子並著高名至孫群任魏領丞相荀淑字季和荀卿十一世孫有八人時謂八龍而慈明無雙至孫或從魏太祖太祖曰吾之子房

朱文公贊云群既附曹或亦忘漢嗣守之難今古共嘆

分甘子孫

王羲之牽諸子抱弱孫一味之甘割而分之以娛目前

玄有靈運

謝靈運祖玄晉車騎將軍父暕生而不慧早亡靈運幼穎敏玄甚異之謂親知曰我乃生暕暕見何不及我暕乃生靈運靈運幸過暕

祖奇此兒



衛玠年五歲風神秀異祖父瑗曰此兒有異於眾顧吾年老不見其長成耳

陶公遠祖

陶潛侃之孫詳見祖父門

祖以硯與見年齒門

因石思祖

薛元超轉中書舍人省中有盤石祖道衡為侍郎時嘗擬以草制元超每見之輒泫然流涕

子有佳兒

許敬宗孫彦伯昂子也頗有文敬宗晚年不復下筆用大典冊悉彦伯為之嘗戲昂曰吾兒不及若兒對曰渠父不知昂父世

說張蒼梧張憑之祖也嘗語其父曰我不如汝憑父未解所以

蒼梧曰汝有佳兒憑時年數歲歛手曰阿翁許佳以子戲父

發明祖書

姚珽始曾祖蔡嘗著漢書訓纂而後之著漢書者多竊取其義為已說珽著紹訓以發明舊義

不辨群孫

後周李遷哲嘗除真州刺史即本州也遷哲妾媵百數男女六十九人緣道十餘里第宅相次姬媵之有子者分處其中遷哲鳴笳導從往來其間縱酒歡燕子孫悉見或忘其年夕披簿以審之汾陽郭子儀諸孫數十人每問安不盡辨領之而已

喜有曾孫



周蕭原梁宰相順之子曾祖倣唐僖宗朝入相接宴之次原爲  
兒童戲効傳呼之聲倣語諸客曰余不敢以得位爲喜所幸者  
壽考今又有曾孫在吾目前

祖孫宰相

李栖筠之子吉甫其孫德裕

祖孫名將

馬璘讀馬援傳至丈夫當死邊野慨然曰使吾祖勲墜地下乎  
卒爲中興名將

祖笏猶存

唐文宗以右拾遺魏謩徵之裔孫頗奇之謩累諫轉起居舍人  
紫宸中謝上曰卿家有舊書詔不對曰比多失墜惟笏猶存上

曰進來鄭覃曰在人不在笏上曰覃不解朕意此其棠之義非  
笏而已宣宗嘗曰舊名臣孫有祖風朕心憚之 贊曰墓之議  
論挺挺有祖風烈

見其三世

韓愈撰殿中少監馬君墓誌曰始余初冠應進士貢在京師窮  
不能自存以故人稚弟拜北平王燧於馬前王問而憐之因得  
見於安邑里第王軫其饑寒賜食與衣召二子使爲之主當是  
時見王於北亭猶高山深林龍虎變化不測傑魁人也退見少  
傳即其子暢翠竹碧梧鸞鵠傳時能守其業者也姆抱幼子立  
側眉眼如畫髮漆黑肌肉玉雪可憐娟好靜秀瑤環瑜璫蘭茁  
其芽稱其家兒即殿中少監馬君繼祖也嗚呼吾未耄自始至今未四十年



而哭其祖子孫三世於人世何如也

古今文集

雜著

誠子孫訓

柳玘

夫門地高者，一事墜先訓，則異它人。雖生可以苟爵位，死不可見祖先。地下門高，則自驕。族盛則人窺，嫉實藝懿行人，未必信。纖瑕微累，十手爭指，脩已不得不至，爲學不得不堅。士君子生於世，已無能而望他人用，已無善而望他人愛，猶農夫鹵莽種之，而怨天澤不潤，雖欲弗餒可乎？余幼聞先公僕射言，立已以孝弟爲基，恭默爲本，畏怯爲務，勤儉爲法，肥家以忍順，保身以簡恭。廣記如不及，求名如獲，來蒞官則廉已省事，而後可以言。

家法家法備然後可以言養人，直不近禍，廉不沾名，憂與禍不偕。素與富不並，董生有云：弔者在門，賀者在閭，言憂則恐懼，恐懼則福至。又曰：賀者在門，弔者在閭，言受福則驕奢，驕奢則禍至。故世族遠長，與命位豐約，不假問龜著星數，在處心行事而已。先君兄弟三人俱居清列，非速客不<sub>レ</sub>一羹，歲食蔬藟而巳。皆保重名於世，名門右族莫不由祖考忠孝勤儉以成立之。莫不由子孫頑率奢傲以覆墜之。成立之難如升天，覆墜之易如燎毛。余家本以學識禮法稱於士林，夫行道之人，德行文學爲根株，正直剛毅爲柯葉，有根無葉或可俟時，有葉無根膏肓所不能活也。至於孝慈友悌忠信篤行，乃食之醢醬可<sub>レ</sub>一日無哉。

戒子孫

邵堯夫



上品之人不教而善中品之人教而後善下品之人教亦不善  
不教而善非聖而何教而後善非賢而何教亦不善非愚而何  
是知善也者吉之謂也不善也者凶之謂也吉也者目不觀非  
禮之色耳不聽非禮之聲口不道非禮之言足不踐非禮之地  
人非善不交物非義不取親賢如就芝蘭避惡如畏蛇蝎或曰  
不謂之吉人則吾不信也凶也者語言詭譎動止陰險好利  
非貪饕餮禍疾良善如雠隙犯刑憲如飲食小則殞身滅性大  
則覆宗絕祀或曰不謂之凶人則吾不信也傳有之曰吉人為  
善惟日不足凶人為不善亦惟日不足汝等欲為吉人乎欲為  
凶人乎

家訓 蘇子瞻

漢郎曼容戒子孫仕不過六百石郎官謂者不為顯吾尚以為  
過汝等但能守家法傳家學貧不免仕官則循資格於吏部注  
擬差遣雖第庫亦可以無愧矣

諸父 姪附

群書要語既有肥瘠以速諸父疏伯父叔父伐木父之昆弟先  
生為世父後生為叔父爾雅父之從父昆弟為從祖父同上伯  
把也把持家政也父弟為仲仲中也位在中也仲父之弟曰叔  
父叔少也叔父之弟曰季季癸也甲乙之次癸在下也釋名  
姪兄弟之子猶子也蓋引而進之檀弓姪對姑而言今人於伯  
叔父前皆以為猶子蓋記禮者主喪服言如夫子謂回也視予



猶父若以姪謂之猶子則亦當以先生為猶父矣漢人謂之從子却得其正蓋伯叔皆從父也朱語錄

**詩句**今嗣才俊茂杜述常評事嗣宗諸子姪早覺仲容賢杜旋看蠟鳳戲僧虔東坡寄三僧子君家自與竹林齊坡和劉原父

古今事實

說以甘飲

爰益為吳相兄子種說以甘飲無何

叔姪掛冠見敦仕門

已子兄子

後漢第五倫字伯魚或問倫有私乎曰余兄子嘗病一夜十起退而安寢余予有病雖不省視而通夕不寐若是可謂無私乎

伯姪分財

薛苞弟子求出苞不敢止乃中分其財奴婢引其老病者曰與我共事久若不能使也田廬取其荒墳者曰吾少時所治意所戀也器物取其朽敗者曰我服食父身口所安也

失愛叔父

曹操小字阿瞞少無度叔父數言之於嵩操之操患之逢叔父於路乃陽敗面喎口叔父以告嵩嵩呼操曰叔父言汝中風已差乎操曰初不中風但失愛叔父故見罔耳後叔父有所告嵩不復信操始肆意

叔姪並遊

阮咸字仲容任達不拘與叔籍為竹林之遊南阮富北阮貧詳



携子姪遊

謝安字安石於東山營墅樓館林木甚盛每携中外子姪往來遊集肴饌亦屢費百金世頗以此譏焉而安殊不以屑意

庭階芝蘭

謝玄與從兄朗為叔父安所寵因戒約子姪曰子弟亦何豫人事而正欲使其佳玄曰如芝蘭玉樹欲使生於庭階耳

舉姪督軍

謝安兄子玄有經國才略時苻堅數侵寇安乃舉玄為前鋒戰于淝水苻堅餘衆棄甲宵遁聞風聲鶴唳以為王師至

叔焚香囊

謝玄少時好佩紫羅香囊叔父安患之而不欲傷其意因戲賭而焚之於是遂止

杖姪設饌見飯燕門

棄子全姪

魏張範子陵及弟子戢為山賊所得範直詣賊請子戢以陵還範範謝曰諸君相還兒厚矣夫人情雖愛其子然吾憐戢之小請以陵易之賊義其志悉以還範此與伯道無兒類註見無

阿大中郎見婚姻門

姪千里駒

符朗堅從兄子也堅嘗見之曰吾家千里駒

鞠愛其姪



桓宣武溫薨桓南郡玄冲之姪十五歲始除桓車騎與送故文武別冲因指語南郡此皆汝家故事佐玄應聲慟哭酸感相事騎每自旦坐曰靈寶玄小成人當以此坐還鞠愛過於所生

撫育孤姪

謝幾卿家門篤睦兄才卿卒子早孤幼幾卿撫育甚厚及長皆幾卿獎訓之力

伯文稱美

王臺晉與兄弟會集諸子孫任其戲適僧虔採蠟珠為鳳凰伯父獨稱其美

臣叔不棄

王處初有隱德人莫能知兄第宗族皆以為癡兄子濟輕之第

詣湛見床頭有周易濟請言之因剖析玄理微妙有奇趣嘆曰家有名士三十年而不知濟去叔送出門濟從騎有一馬難乘無能騎者請騎之回策如素濟益嘆其難測既還渾問濟何以暫行累曰始得一叔渾問其故具嘆述如此渾曰何如我濟曰濟以上人武帝每見濟輒以湛調之曰卿家癡叔也未濟對曰臣叔殊不癡具稱其美

乞封叔父

魏王基封安樂鄉侯上疏求分封二百戶賜叔父子喬爵關内侯以報叔父詔特聽之

請封兄子

唐魏徵以疾五禮當封二子縣男徵請封孤兄子叔慈帝愴然



曰此可以勸俗耶許之

伯父見奇

柳公綽始生之日伯父子華曰與吾門者此見也因少字起之

自乳兄子

元德秀兄子襁褓喪親無資得乳媼乃自乳之數日漣流能食乃止

薦姪可用

呂文穆公蒙正致政居洛真宗祀汾陰過洛垂其室問曰卿諸子孰可用公對曰臣諸子皆豚犬不足用有姪夷簡在潁州推官宰相才也帝記其言遂至大用蓋文靖公也聞見錄

奏兄子官

陳忠肅公瓘兄弟友愛伯氏異世公撫恤其孤初奏郊恩推子而先伯父之子及後賅賁以至終身諸子皆白衣未嘗有不滿之意遺事

古今文集

雜著

誠兄子書

馬援

吾欲汝曹聞人過失如聞父母之名耳可得而聞口不得言也好議論人長短妄是非政法此吾所大惡也寧死不願子孫有此行也龍伯高敦厚周密口無擇言謙約節儉廉公有威吾愛之重之願汝曹效之杜季良豪俠好義憂人之憂樂人之樂清濁無所失父喪致客數郡畢至吾愛之重之不願汝曹效之效



伯高不得。猶爲謹勅之士。所謂刻鵠不成。尚類鶩。效季良不得。陷爲天下輕薄子。所謂畫虎不成。反類狗者也。

范文正公與姪帖

三郎官人昨得書。知在官乎。善。此中亦如常。只是純祐未全安。汝守居須小心。不得欺事。與同官和睦。多禮。有事只與同官議。莫與小人商量。莫縱鄉親來。部下興販自家。且一向清心。做官莫營私利。汝看老叔自來如何。還曾營私否。自家好家門。各爲好事。以光祖宗。煩寄書來。言彼動靜。將息將息。不具叔報。

右范文正公與其兄子之書也。其言近而易知。凡今之仕者。得其說而敬守之。亦足以檢身而及物矣。然公所自謂。未嘗營私者。必若公之先天下之憂而憂。後天下之樂而

樂。然後爲能克其名實。而其所論親僚友以鎖鑰蔽之。明禁防以杜交私之漸者。引而伸之。又非獨効一官之守者所宜知也。侯官大夫陳君燁得公此帖。刻真坐隅。以自警省。其蓋三復焉。而嘆其指之遠。而不可窮也。敢竊識其說於左方。庶幾覽者有以發焉。年月日新安朱某謹書。

司馬文正公與姪帖

叔五月二十三日。到京與八哥哥以下俱安。八哥哥飲食起居甚健。殊不似去年在鄉里時。不用憂得。光近蒙聖恩。除開下侍郎。此皆祖考餘慶。家門厚福。致茲忝竊。誠爲多幸。然光素無才能。加以衰老。久在沉散。絕望顯榮。一朝陞擢。出入意表。舉朝之人。悉非舊識。逆見忌嫉者。何可勝數。而獨以愚直之性。處於其



間如黃葉在烈風中幾何其不危墜也是以受命以來有懼而無喜汝輩當識此意倍須謙恭推讓伏弱於人不可恃賴我聲勢作不公不法攬擾官方侵凌小民使爲鄉人所厭苦則我之禍皆起於汝輩如曹侍中兒帶累曹侍中貶隨州自縊歟也且當共相愛惜我身若危則汝輩亦不如人也我待牒縣令榜街市豫先約束汝輩所以曲相保全使不陷於刑法且其難也時熱且各好自將息叔報五通直以下六月二日

易之家人以勿恤爲相愛老子謂慈故能勇司馬文正所以訓約其家者峻厲嚴密凜乎其不可犯此慈愛之至也

王山汪應辰書

古詩

冬至日示小姪阿宜

杜牧

小姪名阿宜未得二尺長頭圓筋骨緊兩臉明且光去年學官人竹馬遶四廊指揮群兒童意氣何堅剛今年始讀書上口三五行隨兄且父去歛手整衣裳去歲冬至日拜我立我旁祝爾爾爾貴仍且壽命長今年我江外今日生一陽憤爾不可見祝爾爾爾二鰣陽德比君子初生甚微芒排陰出九地萬物隨開張一似小兒學日就復月將勤勤不自已二十能文章仕官至卿相致君作堯湯我家公相家劍佩常丁當舊第開朱門長安城中央第中無別物萬卷書滿堂家集二百編上下馳皇王多是撫州寫今來五紀強尚可與汝讀助爾爲賢良經書刮根本史書閱興亡高摘屈宋艷濃薰班馬香李杜泛浩浩韓柳摩蒼蒼



此篇視符讀書城南之作尤淺陋矣姑錄之以爲戒

蘇子由已卯生坡號爲卯君生子名虎兒坡詩云

齋聞老蚌生明珠未嘗老死生於堯老堯自謂月中物不歸快

馬嘶蛇蟻爬沙不肯行坐令青衫生白髮於菟駭猛不類  
渠指揮黃熊駕黑龜丹砂紫麝不用塗眼前百步走妖狐玄猿  
莫誇智有餘不勞搔牙咀爾徒

送王牧往吉州謁王使君叔

李嘉裕

細草綠汀洲。王孫耐薄遊。年華初冠帶。文體舊弓裘。野渡花爭發。春塘水亂流。使君怜小阮。應念荷門愁。

送姪孫隨乃父知金丹行

山谷

莫<sup>レ</sup>去<sup>レ</sup>沙<sup>レ</sup>邊<sup>レ</sup>學<sup>ル</sup>釣<sup>ル</sup>魚<sup>ヲ</sup>莫<sup>ヲ</sup>將<sup>ル</sup>百<sup>ノ</sup>文<sup>ヲ</sup>作<sup>ス</sup>轆<sup>ノ</sup>轤<sup>ノ</sup>清<sup>ノ</sup>江<sup>ノ</sup>濯<sup>テ</sup>足<sup>ヲ</sup>江<sup>ニ</sup>下<sup>ニ</sup>坐<sup>シ</sup>燕<sup>ニ</sup>子<sup>ノ</sup>日<sup>ヲ</sup>

詩部



退之姪

退之諱云阿買不識字頗知書不分詩成使之寫亦足張吾軍  
或問山谷阿買是何人山谷云退之姪必有所據而云耳又有  
示姪湘詩詳見牡丹門

譽子姪

牧之譽阿宜義山譽家師其後二子皆無聞

新編古今事文類聚後集卷之八

建安 祝穆 和父 編

建業 唐富春 子和 梓

人倫部

兄弟 兄弟俱貴 從兄弟

義兄弟 並附

群書要語兄荒也荒大也弟第也相次第而生也釋名此令兄  
弟綽綽有裕不令兄弟交相爲痛解弓棠棣之華鄂不韡韡凡  
今之人莫知兄弟死喪之威兄弟孔懷原隰哀矣兄弟求矣  
脊令在原兄弟急難有良朋况也永嘆兄弟鬩于牆外  
禦其侮每有良朋烝也無戎喪亂既平既安且寧雖有兄弟



不如友生。儼爾遵豆飲酒之飲。兄弟既具和樂且孺。妻子  
好合如鼓瑟琴。兄弟既翕和樂且湛。宜爾室家樂爾妻孥。是  
寃是圖。置其然乎。棠棣伯氏吹簧。仲氏吹璫。何人斯叔兮伯兮。  
俱予和女。鍾兮。豈無他人。不如我同父。杖杜。終鮮兄弟。謂他人  
昆。揚之水。陟彼岡兮。瞻望兄兮。兄曰嗟予弟行役。陟岵。兄及弟  
矣。式相好矣。毋相猶矣。斯干。宜兄宜弟。令德壽考。豈。裴蕭。惟孝友  
于兄弟。施于有政。君陳。兄弟睦家之肥也。禮運。兄之齒。鴈行。王  
制。敬其兄則弟悅。孝經。兄弟雖有小忿不廢懿親。左。兄弟天倫  
左襄。二惠競爽猶可。又弱。一介焉。左。叔出季處。昭元。兄弟怡怡  
語十三。紆兄之臂而奪之食。不紆則不得食。則將紆之乎。告子  
吾弟則愛之。秦人之弟則不愛也。同上。兄愛而友弟敬而順。晏

子誰無兄弟如手如足。李華戰場文

詩句一欣侍溫顏再喜見友于。陶。華萼相光飾。瓊鳴悅同響。謝  
靈運。人稀書不到。兵在見何由。杜。憶弟。頌椒添諷詠。禁火上歡  
娛。杜。風撼鵲鳴枝。波寒鴻鴈影。山谷。比年病酒開消滴。弟勸兄  
酬何怨嗟。杜。卿家兄弟功名震。麒麟閣畫鴻鴈行。杜。君家兄弟  
真連璧。坡。

古今事實

謨蓋不怨

父母使舜完廬捐階。瞽瞍焚廬使浚井出從而揜之。象曰謨蓋  
都君咸我績。牛羊父母。倉廩父母。干戈朕。琴朕。箠朕。二嫂使治  
朕棲。象往入舜宮。舜在牀琴象曰。斨陶思君爾。怙怙舜曰。惟茲



臣庶爾其于字治

流言必誅

武王既喪管叔父其群弟乃流言于國曰公將不利于孺子周公乃告二公曰我之弗辟我無以告我先王周公居東二年則罪人斯得善乎龐公之言比之周公管蔡若處茅屋之內宜無放殺之酷南史劉義真傳

文身遜弟

吳泰伯弟仲雍皆周太王之子王季歷之兄也季歷賢而有聖子昌太王欲立季歷以及昌於是泰伯仲雍奔荆蠻文身斷髮示不可用以避季歷荆蠻義之

兄弟相遜

伯夷叔齊孤竹君之二子父欲立叔齊及父卒伯夷遜叔齊伯夷曰父命也遂逃去叔齊亦逃國人立其中子

有弟不協

初鄭武公娶於申曰武姜莊公寤生驚姜氏遂惡之愛共叔段欲立之請京使居之謂之京城太叔太叔完聚繕甲兵其卒乘將襲之京叛太叔段段入於鄆公伐諸鄆太叔出奔共公曰寡人有弟不能和協而使糊其口於四方

貴介弟

伯州犂曰王子圍寡君之貴介弟也

四海兄弟

君子敬而無失與人恭而有禮四海之內皆兄弟也



以勇諾聞

漢季心以勇季布以諾聞關中

尺布之誦

漢文帝時淮南厲王長犯不軌徙於蜀不食而死民作歌曰一尺布尚可縫一斗粟尚可舂兄弟二人不相容

田宅與弟

上式以田商為事有少弟弟壯式脫身出獨取畜羊百餘田宅盡與弟式入山牧十餘年羊致千餘頭買田宅而弟盡破其產復與弟者數矣王商為侯推財與弟身無所受

四人共被

後漢姜肱兄弟四人居貧作布被而共之兄弟皆以孝行著

難兄難弟

陳紀元方子長文即陳群弟諱季方子孝先即陳思各論其父功德爭之不決諮於太丘陳寔其祖也太丘曰元方難為兄季方難為弟世說王珉小名僧彌少有才藝名出珣右時人語曰法護非不佳僧彌難為兄耳

兄不識弟

夏馥以聲名為中官所忌遂被誣陷詔下州郡捕為黨馥乃自剪鬚髮變形為治家傭親突烟炭容貌毀瘁弟靜於涅陽市遇馥不能識聞其言聲乃覺而拜之

荀氏八龍

荀爽兄弟八人潁川語曰荀氏八龍慈明無雙荀靖字叔慈少有俊才靖弟爽亦以才顯於時或問汝南許都曰爽與靖孰



賢章曰慈明外朗叔慈內潤

三虎二龍

賈彪兄弟三人號賈氏三虎晉許劭兄虔亦知名號爲三龍

馬氏白眉

馬良兄弟五人並有才名里諺曰馬氏五常白眉最良

遇賊爭死

姜肱遇盜更相爭死遂兩釋焉既至郡中終不言盜盜聞而感悔後乃就精廬求見徵君謝罪趙孝弟禮爲賊所得將食之孝自縛詣賊曰禮瘦不如孝肥賊曉其意俱舍之

弟譽其兄

何充辟大將軍王敦掾轉主簿敦兄含時爲廬江郡貪穢狼藉

敦嘗於座中稱曰家兄在鄆定佳廬江人士咸稱之充即廬江人曰所聞異於此敦默然傍人皆爲之不安由是忤敦左遷

弟排其兄

許靖宋文休汝南人少與從弟劭俱知名而私情不協劭爲郡功曹排擯靖不得齒叙馬磨自給

雙壁

陸暉與弟恭之並有時譽洛陽令見之曰僕以年老更覩雙壁

蜂腰

周弘正幼孤及弟弘讓弘直俱爲伯父捨所養弘正醜而不陋言而能談諱諧似優剛腸似直善玄理爲當世所宗自稱有牙無貌弘直方雅氣調高於次昆或問三周孰賢人曰若蜂腰矣



腰鼓

沈仲仕齊爲御史中丞與兄淡弟深名譽有優劣世號爲腰鼓

號龍虎狗

諸葛瑾與弟亮及從弟誕並有盛名父在一國時以爲蜀得其龍吳得其虎魏得其狗

龍駒鳳雛

陸雲六歲能屬文與兄機齊名雖文章不及機而持論過之號二陸幼時吳尚書閔鴻見而奇之曰此兒若非龍駒當是鳳雛

封胡羯末

謝氏尤彥秀者稱封胡羯末封謂韶胡謂朗羯謂玄末謂川皆其小字韶朗川皆早卒惟玄以功名終

爲兄報仇

索靖子琳字臣秀舉秀才除郎中嘗報兄之仇手殺二十七人時人莫不壯之

伯仁火攻

周顗字伯仁友愛過人弟嵩飲醉瞋目而謂伯仁曰君才不如弟而暴得重名須臾舉蠟火擲伯仁伯仁笑曰阿奴火攻固出下策耳

因兄被誅

周顗被害王敦使人弔焉弟嵩曰亡兄天下有義人爲天下無義人所殺復何所弔敦甚銜之因事誅嵩嵩事佛臨刑猶誦經

兄願代死



王徽之與獻之俱病術人曰應終有生人樂代則死者可生徽之曰吾才不如弟請代術人曰凡代死者必已年有餘今君與弟俱盡何可代獻之卒徽之奔喪不哭直上靈牀坐取獻之琴彈之久而不調曰嗚呼人琴俱亡因頓絕月餘亦卒

少者佳

王獻之字子敬嘗與兄徽之操之誦謝安一兄多言俗事獻之寒暄而已客問王氏優劣安曰少者佳客問其故安曰古人之詞寡以其少言故知之

兄疫不去

晉咸寧中太疫庾亮二兄俱亡次兄毗復危殆滿氣方熾父母諸弟皆出次于外亮獨留不去諸父兄強之乃曰亮性不畏病

遂親自扶持晝夜不眠每撫棺長臨極痛楚如是者十有餘旬瘴氣既歇家人乃返毗病得瘥亮亦無恙

如左右手

邵續諫成都王穎討長沙王乂曰兄弟如左右手

戲知優劣

王曇首與兄弟會集子孫任其戲適僧達跳下地作彪子僧虔累斗傳基既不墜落亦不重作僧緯採蠟珠爲鳳凰僧達奪取打壞亦不復惜

及娶求分

繆彤兄弟四人同財及各娶兄弟求分異彤乃掩戶自掘曰學聖人法奈何不能正家諸婦聞之叩頭謝過更爲敦睦之門



狀貌相似見相貌門

紫荆枯死

京兆人田真兄弟三人共分財各居堂前有一株紫荆華其茂共議破為三待明截之忽其夕樹即枯死真見之驚謂諸弟曰木同株當分析便憔悴況人兄弟孔懷而可離是人不如樹木也兄弟相感而更合續齊諧記

諭勿爭財

蘇瓊除南清河太守有百姓乙普明兄弟爭田積年不決各相援據乃至百人瓊召普明兄弟諭之曰天下難得者兄弟易得者田地假令得田地失兄弟心如何因而下淚諸訴人莫不洒泣普明兄弟乞外再思竟釋爭而去雖分異十年乃還同住

棠棣碑

賈敦頤為洛州司馬人為刻碑市傍弟敦實又為長史人復為立碑其側號棠棣碑

桐木韓家

韓子華兄弟皆為宰相所居第有梧桐京師稱桐木韓家以別康公其家呼子華為三相公持國為五相公

兄草弟麻

錢希白惟演從兄也惟演拜相希白當制世稱弟拜相兄草麻自古未有惟座主拜相門生草麻前代記之久矣金坡遺事

弟草兄制

韓子華自鄂州再入相持國在翰苑遂當制繪紳榮之元豐官



制行曲阜之除天官南豐為西掖行詞元豐末魯公拜相曲阜以學士掌制對便殿以親嫌罷上云禁中檢見韓維故事乃批旨云兄弟迭居詞禁兄行弟辭弟草兄制是日以天寧節前二日密院罷散齋筵晉公押筵曲阜居席面會撤宣力鎖院魯公大拜榮耀又非韓公之比

事兄如父

司馬溫公光與其兄伯康年將八十奉之如嚴父保之如嬰兒每食少頃則問曰得無饑乎天少冷則拊其背曰衣得無薄乎

范太史集

同貴而壽

韓獻肅公絳兄弟天性友愛自忠憲公為兩府大臣至公兄弟

同時為宰相近輔皆二人又皆眉壽公將歸許而兩弟時皆七十同時請老朝廷未許其為榮盛前古未有

行狀

耶君呼弟

蘇子由已卯生東坡嘗呼之曰耶君而不斥其名

一龍出守

以下係兄弟俱貴

梁簡文帝錢臨海太守劉孝儀蜀郡太守劉孝勝詩曰兩杜崖夾河一龍今出守

大馮小馮

馮立與兄野王相代為西河上郡太守民歌之曰大馮君小馮君兄弟繼踵相因循聰明賢智惠吏民政如魯衛德化鈞周公康叔猶二君



並居兩省

劉棉之爲左史。懿之時爲給事中。兄弟並居兩省。時論美之。

同時榮達

陳堯叟堯佐俱拜平章。堯咨以儒臣換節度使。同時貴顯。孫何孫係孫僅皆以進士冠天下。宋庠宋郊號二宋。詳見牀元門

同榜擢第

張楚金年十七。與兄越石同舉進士。李靖時在中書。曰。國家貢舉。本求才行。何嫌雙舉。遂俱進士擢第。

兩家兄弟同

溫大雅在隋。與顏思魯俱在東宮。弟彥博與思魯弟啟楚同直內史省。弟彥博與啟楚弟遊秦同典校秘書。一家兄弟各爲一

時之選。少時學業。顏氏爲優。其後職位。溫氏爲盛。

自相交承

京國李愬自鳳翔隴右節度代。其兄愿爲武寧軍節度使。兄弟交換。徐岐兩鎮。

同爲幕官

西川杜慆辟楊取節度判官。弟嚴觀察判官。兄弟同幕。時人榮之。未幾同入爲御史。

念從弟語

以下係從兄卷

馬援南擊交趾。曰。吾從弟少游常哀吾慷慨。多志。曰。七生一世。但取衣食裁足。致求贏餘。但自苦耳。當吾在浪泊西里間。下潦上霧。毒氣薰蒸。仰視飛鳥。跼蹐墮水中。臥念少游平生語。何



可得也

私第以官

王衍雖居宰輔之重不以經國爲念而思自全之計乃以弟澄爲荊州族弟敦爲青州因相謂曰荊州有江漢之固青州有負海之險卿二人在外而吾留此足以爲三窟矣識者鄙之

三從同居

牛敬則與三從昆弟居四十餘年貲產無異

三鳳

薛收與從兄弟元欽及族兄德首齊名世稱河東三鳳

兄事子產

以下係義兄弟

孔子過鄭與子產如兄弟孔子兄事子產

兄事趙禹

漢張湯趙禹共定律令務在深文禹至少府湯爲廷尉交歡兄事禹

恩若兄弟

關羽張飛爲別部司馬先主與二人寢則同牀恩若兄弟稱人廣坐立侍終日

兄事同庚

孫權母謂權曰公瑾伯符同年小一月耳我視之如子汝可兄事之

古今文集

雜著

事文類聚後集



送韓豐詩後序

柳宗元

春秋時晉有叔向者，垂聲邁烈，顯白當世，而其兄銅鞮伯華匿德藏光，退居保和，士大夫其不與叔向游者，罕知伯華矣。然仲尼稱叔向曰：「遺直內義。」又稱伯華曰：「多聞內植，進退兩尊。」於策書故羊舌氏之美，至于今不廢。宗元常與韓安平于上，足追用古道，交於今世，以是知吾兄矣。豐之季弟泰與余善

書寄祝有道

黃魯直

柳開為叔母穆夫人墓誌，其間書月，且望叔母拜堂下，即上手低面聽奉我皇考告戒之曰：「人家兄弟無不義者，盡因娶婦入門，異姓相聚，爭長競短，漸漬日聞，偏愛私藏，以至背戾分門，割戶，患若賊讎，皆婦人所作。男子有剛腸者，幾人能不為婦人言？」

所感吾見多矣。若等寧是耶？退則惴惴閉息，恐然如有大誅責至死不敢道一語為不孝事，聞輩賴之得全其家也。朱文公作外祖遺事援此

古詩

示全真元常

韋應物

余解郡符去，爾為外事牽。寧知風雨夜，復此對床眠。始話南池飲，更詠西樓篇。無將一會夢，歲月坐推遷。

上留田

李白

行至上留田，孤墳何崢嶸。積此萬古恨，春草不復生。悲風四邊來，腸斷白楊聲。借問誰家地，埋沒蒿里塋。故老為余言，言是上留田。蓬科馬鬣今已平，昔之弟死兄不塋。他人此舉銘旌，一鳥死



百鳥鳴一獸走百獸驚恒山之禽別離苦欲去廻翔不能征田氏倉卒骨肉分青天白日摧紫荆交柯之木本同形東枝憔悴西枝榮無心之物尚如此參商胡乃尋天兵孤介延陵讓國揚名高風緬邈頽波激清尺布之誥塞耳不能聽

贈秦少儀

黃魯直

汝南許文休馬磨自衣食但聞郡功曹滿世名籍籍渠侖有顯晦非人作通塞秦氏多英俊少游眉最白頗聞鴻鴈行筆皆萬人敵吾早知有觀而不知有觀小儀袖詩來剗蚌珠的皪乃能持一鏃與我箭鋒直自吾得此詩三日即向壁挽士不能寸推去輒數人才難不其然有亦未易識

律詩

遠懷舍弟穎觀等

杜甫

陽翟空知處荆南近得書積年仍遠別多難不安居江漢春風起冰霜昨夜除雲天猶錯莫花萼尚蕭疎對酒都疑夢吟詩正憶渠舊時元白會卿黨美吾廬

輒幼從子瞻兄讀書未嘗一日相舍既壯官遊四方讀韋蘓州詩有那知風雨夜復此對床眠惻然感之乃相約蚤退為閑居之樂故子瞻始為鳳翔幕官留詩與輒曰夜雨何時聽蕭瑟鄭州馬上作其後子瞻

通守餘杭復移守膠西而輒留滯於睢陽濟南不見者七年熙寧十年二月始復會於澶濮之間相從赴彭城留百餘日宿於逍遙堂追感前約作二小詩云



蘇子由

逍遙堂後千尋木長送中宵風雨聲恨喜對床尋舊約不知漂  
泊在彭城

又

秋來東閣涼如水客去山公醉似泥困憊北窓呼不醒風吹松  
背兩淒淒

子由將赴南都與余會宿於逍遙堂作兩絕句讀之  
殆不可爲懷因和其詩以自解余觀子由自少曠達  
天資近道又得至人養生長年之訣而余亦竊聞其  
一二以爲今者官遊相別之日淺而異時退休相從  
之日長既以自解且以慰子由

蘇子瞻

別期漸近不堪聞風雨蕭蕭已斷魂猶勝相逢不相識形容變  
盡語音存

又

但冷朱雀長金花此別還同二轉車五百年間誰復在會看銅  
狄兩咨嗟

寄子京

宋公序

八年三郡駕朱輪更添鴻樞對秉均老去師舟多忘事小之燭  
武不如人車中顧馬空能教海上逢鷗想見親唯有弟兄歸隱  
志共將耕鑿報堯仁

詩話 煮豆燃箕



魏文帝令東阿主七步中作詩不成者應大法應聲曰煮豆燃

豆箕豆在釜中泣本是同根生相煎何太急

曹植以蓋代之才它人猶愛之況於父乎使其稍加智巧奪嫡  
猶及掌耳植素無此念深自歛退雖丁儀等坐誅辭不連植黃  
初之世數有貶削方且責躬上表求自試兄不見察而不敢廢  
恭順之義卒以此以自全可謂仁且智矣文中子曰至哉思王  
以天下讓真篤論也後村

終不怨兄

曹植贈白馬王彪云丈夫志四海萬里猶比鄰恩愛苟不虧在  
還分日親何必同衾幃然後展殷勤憂思成疾疢無乃兄女仁

倉卒骨肉情能不懷苦辛末云離別永無會執手將何時王其  
愛玉體俱享黃髮期於時諸王凜凜不自保子建此詩憂傷慷  
慨有不可勝言之悲詩中所謂蒼蠅間白黑讒巧冷親疎蓋為  
灌均輩發終無怨兄之意處人倫之變者當以為法後村

夢第得詩

謝惠連幼有奇才族兄靈運每有篇章對惠連輒有佳句靈運  
作春詩未就夢見惠連覺而得池塘生春草之句自以為有神  
助云

嫂叔

姊姒 小姑並附

群書要語嫂者尊嚴之稱

儀禮

嫂叔不通問

曲禮

嫂叔之無服



蓋推而遠之也。嫂不撫叔，叔不撫嫂。雜記 嫂溺不援，是豺狼也。孟子

孟子 西方謂丘嫂為丘嫂，丘空也。兄亡獨有嫂也，或云丘大也。長嫂稱也。顏師古云：史記丘字作巨，皆大也。漢書注

姊姒，長婦謂稚婦為姊婦，姊婦謂長婦為姒婦。今或云妯娌。爾雅

雅 介婦請于冢婦。內則 世皆疑姊姒之名，皆以兄妻呼弟婦為姊，弟妻呼兄妻為姒。公羊傳曰：姊者何？弟也。是以其弟解姊，自然以長解姒。長謂身之年長，非夫之年長也。左傳成十一年穆姜謂聲伯之母為姒，昭八年叔向之嫂謂叔向之妻為姒，二者皆呼夫弟之妻為姒，豈計夫之長幼乎？女子同出謂先生為姒，後生為姊。鄭云：同出謂俱嫁事一夫也。事一夫者，以已先生為姒，後生為姊，則知姊姒以已之年，非夫之年也。爾雅

古今事實

古今事實

嫂不為炊

蘇秦初出遊，頗頗而歸，妻不下機，嫂不為炊，及為從約，長并相佩，六國印歸，兄弟妻嫂側目，不敢視。秦笑曰：何前倨而後恭也？嫂謝曰：見季子位高金多也。

嫂轉金羹

漢高祖微時，嘗與賓客過其丘嫂，食嫂厭叔，佯為羹，盡轉音金客已去，而視釜中有羹，由是怨嫂。及立，獨不封其子，太上皇為言，高祖曰：非敢忘也，為其母不長者封，其子為羹，頃侯。

為嫂所嫉

陳平與兄伯居，伯嘗縱平游學，人或謂平何食而肥，其嫂嫉平。



不親家產曰食糠覈耳麥糠中不破者有叔如此不如無伯聞之遂棄其婦人或說平居家時盜其嫂

不辭盜嫂

直不疑為郎朝廷毀不疑曰狀貌雖美善盜其嫂不疑曰我無兄終不自明

奉嫂致恭

馬援奉嫂不冠不入廬

以小郎囑新婦

王衍妻郭性貪鄙欲令婢路上擔糞弟澄年十四諫郭以為不可郭大怒謂澄曰昔夫人臨終以小郎囑新婦不以新婦囑小郎因捉其衣裾將撻之澄爭得脫

為小郎解圍

謝道韞為王凝之妻凝之弟猷之嘗與賓客談議詞理辯屈道韞遣婢白猷之欲為小郎解圍乃施青綾步障自蔽申猷之前議客不能屈列女

新婦配參軍

王渾妻鍾氏字琰生子濟渾嘗共琰坐濟趨庭而過渾欣然曰生子如此足慰人心琰曰若新婦得配參軍為渾弟倫也生子固不趣如此耳

喜群從兄弟

謝道韞亦之女適王凝之甚不樂曰一門叔父則有阿大中郎群從兄弟則有封胡羯末不意天壤之間乃有王郎



嫂撫幼叔

謝朗父據早卒朗總角時病新起體羸未堪勞於叔父安前與  
汝門支道講論遂至相苦嫂王氏再遣信令還安留使竟論王  
氏因出云新婦少遭艱難一生所寄唯在此兒因流涕携朗

見嫂與別

阮籍嫂嘗還家籍見嫂與之別或譏之籍曰禮豈為我輩設耶

誤認伯諧

見狀貌門

叔射殺牛

隋吏部尚書牛弘弟弼好酒而酤常醉射殺弘駕車牛弘還宅  
其妻迎謂弘曰叔射殺牛弘聞無所怪問直答曰作脯坐定其  
妻又曰叔射殺牛大是異事弘曰已知顏色自若讀書不輟

姒娣禮法

以下係姒娣

王渾妻鍾氏字琰弟湛妻郝氏皆有德行琰雖門高與郝氏相  
親重郝不以賤下琰琰不以貴陵郝時人稱鍾夫人之禮郝未  
人之法

讓娣管鑰

李光進弟光顏先娶而母委以家事及光進娶母已亡弟婦籍  
貲貯納管鑰於姒光進命及之曰娣逮事姑且嘗命主家事不  
可改因相持泣乃如初

古今文集

雜著

祭嫂鄭夫人文

韓愈

事文類聚後集



愈謹於逆旅備時羞之食再拜頓首敢昭祭于大嫂榮陽鄭氏  
夫人之靈嗚呼天禍我家降集百殃我生不辰三歲而孤蒙幼  
未知鞠我者兄在死而生實雖嫂恩未齒一年兄官王官提携  
負任去洛居秦念寒而衣念飢而食疾疹水火無災及身劬勞  
閔閔保此愚庸年友及紀存及凶屹兄罹謫由承命南遷窮荒  
海隅天闊明年萬里故鄉幼孤在前相顧不歸泣血號天微嫂  
之力化為夷蠻水浮陸走丹旌翩然至誠感神返寢中原既幸  
反葬遭時艱難百口偕行避地江濱春秋霜露薦敬萍蘩以享  
韓氏之祖考曰此韓氏之門視余猶子誨化諄諄爰來京師年  
在成人屢貢于王名廼有聞念茲鈍頑非訓曷因感傷懷歸殞  
殞重心苟容躁進不顧其躬祿仕而還以為家第奔走乞假東  
蘇

西北南孰云此來乃睹靈車有志弗及長負殷勤嗚呼哀哉昔  
在韶州之行受命于兄兄曰爾幼養于嫂喪服必以替今其敢  
忘天實臨之嗚呼哀哉日月有時歸合塋封終天有辭絕而復  
蘇  
雜著 係小姑

小姑小郎

王建新嫁娘詩云三日入厨裏洗手作羹湯未諳姑食性先遣  
小姑嘗張文潛寄衣曲云別來不見身長短試比小郎衣更長  
二詩當以建為勝文潛詩與晉人參軍新婦之語俱有病  
詩比小姑

古樂府新婦初來時小姑始扶床今日被驅遣小姑如我長廻



三才圖會

卷之八

十九終

後書堂梓

頭語小姑勿嫁似兄夫

全篇見世美門之棄婦詞

庶幾哀而不

怨矣后村

新編古今事文類聚後集卷之八終

新編古今事文類聚後集卷之九

建安

祝穆

和父

編

建業

唐富春

子和

梓

人倫部

閔閔子弟

世率

不克紹

並附

餘見有子及不肖子門

群書要語

諸侯世子世國注

象賢也

王制

王孫

漢書貴介公子

△上△

朝廷顯官須公卿子弟為之何者少習其業目熟朝廷事

臺閣之儀不教而自成寒士縱有出人之材固不能聞習也選

舉志李德裕云

娟好靜秀瑤環瑜珥蘭茁其芽

韓文

蘭砌傳芳

鯉庭稟訓臨川集



詩句家襲青平身業文素風清白至今貧劉禹錫一家何啻十  
朱輪諸父雙飛秉大鈞劉禹錫贈李夷楚東山子弟家風在  
坡閨庭蘭玉照鄉閭坡

不克紹世祿之家鮮克由禮書貴游子弟未免襁褓而加青紫  
之秩終勝衣冠而居寵榮之位抱朴子

古今事實

佳公子

平原君翩翩濁世之佳公子也

戒其訓子

後漢劉祐為郡主簿郡將小子出錢令市果實祐悉買筆書其  
與之曰郡將郎君年可入學而但傲浪遠近謂明府無過庭之

教郡將從其言使就祐學遂成儒業

父任入官

汲黯以父任孝景時為太子洗馬表益以兄任為郎

不好綺繡

班伯詔受學於金華殿中數年金華之業絕出與王許子弟為  
群在綺繡絺綌之間非其好也前漢班氏叙傳

訪康成後

魏室旌賢特訪康成之後晏公類要

謝庭蘭玉

佩紫香囊並見燈門

衣刺文袴



謝尚好衣刺文袴諸父責之因而自改

襴襦清官

李義甫諸子雖襴襦皆補清官本傳

授六品官

沈義倫盧多遜為相其子起家郎授水部員外郎後遂為令當  
今之朝奉郎是也呂文穆為相當任子奏曰臣忝甲科及第釋  
褐止受六品京官況天下才能老於嚴冗不能霜寸祿者多矣  
今臣男始離襴襦膺此寵命恐惟譴責乞以臣釋褐時所授官  
補之自是止授六品京官因為定制以至今日揮塵錄

棄科舉學

呂希哲字原明少好學王安石謂之曰士未官而專科舉者為

貪也有官矣而復事科舉是僥倖富貴利達而已學者不由也  
希哲遂棄科舉一意古學

不與寒士爭進

王文正公且以儉約率勵子弟便在富貴不知為驕侈兄子睦  
欲舉進士公曰吾嘗以太盛為懼其可復與寒士爭進至其薨  
也子素猶未官遺表不求恩澤神道碑

孔庭傳授以下係世學

孔子之子伯魚過庭學詩禮孔子之孫子思述所聞作中庸

代作宗師

伏氏自東京相襲為名儒以取爵位中興而桓氏尤盛自蔡  
至興世宗其道父子兄弟代作宗師



王氏青箱

王悅之字少明。父納之有青箱世。謂之王氏青箱家。世練習朝儀。並諳江左舊事。

自尊其祖

王通曰。甚矣王道難行也。吾家頃銅川六世矣。未嘗得宜其用。退而咸有述焉。蓋先生生宋朝之述曰。時變論。江州府君之述曰。五經決錄。晉陽穆公之述曰。政大論。同州府君之述曰。政小論。安康獻公之述曰。皇極讜議。銅川府君之述曰。興義要論。余小子獲親成訓。勤力載矣。

福時編中說

王通講道河汾。著中說。其弟凝繕錄。召諸子而謂之曰。先兄之

緒言也。孺子奉之。毋使失墜。福時編爲十卷。于以觀先君之事業。明道垂訓。傳子孫以爲素業。其孫勳勃皆有文名。家事雜錄

三蘇父子

蘇洵嘉祐間與其子軾轍至京師。歐陽脩得洵書二十篇。大愛其文詞。謂賈誼劉向不能過也。遂以其書獻諸朝。其二子同舉進士。又同登制科。一旦父子隱然名動京師。而蘇氏文章乃擅天下。

范氏唐鑑

范蜀公鎮之孫祖禹著唐鑑

邵氏聞見

邵康節雍之子伯溫作聞見錄



膏粱之性以下係不克紹

樂伯請公族大夫公曰夫膏粱之性難止也 賈逵曰膏肉之肥者染食之精者言享肥美者率驕放其性難止也 左

降在皂隸

叔向曰樂卻胥原狐續慶伯降在皂隸 **注**八姓舊臣之族皂隸晉臣也 左漢功臣苗裔或絕或乏生爲愍隸死爲轉屍 功臣表

不辨菽麥見不肖子門

不肖敗家

唐李勣謂其弟弼曰我見房玄齡杜如晦辛苦立門戶采薪爲不肖子敗之我今以子孫仕汝可慎察有不屬言行交非其類悉榜殺之後人笑我猶笑房杜也

覆試史白

唐苗晉卿知選以張奭爲第一奭中丞倚之子本無學術議者置然文宗覆實奭持紙終日筆不得下人謂之史白晉卿坐貶

貶謫見婚姻門

積財必破

唐盧坦爲河南尉時杜黃裳爲尹召坦曰某家子與惡人遊破產盡察之坦曰凡居官廉雖大臣無厚畜其能積財者必剥下以致之如子孫善守是天富不道之家不若恣其不道以歸於人黃裳驚服其言

彈絲美竹

太祖曰資蔭子弟但能在家彈琵琶美絲竹而已豈能治民乎



事類彙編卷之九  
是不許親民石介聖政錄

五

德書堂

古今文集

雜著

奉宰執子弟曲恩

朱勝非

祖宗舊制宰執子弟例不堂除只於銓郊注擬罷政不以罪則推恩遷補蓋二府號表則之地不阿其親當以身率之也趙普子弟皆作武官普再作相長子授莊宅使元祐中范純仁再入相子平正博學能文行義甚高未嘗出官竟死選調紹聖中章厚作相九年子援及持皆高科有學問士論推許並為州縣幕職監當官惟是仁宗以來夏竦子安期累作邊帥授待制直學士熙寧間王安石由經史秉政薦其子雱為崇政殿說書除待

制後因三經義成遷直學士力辭不受然安期猶有才幹雱猶有學問至蔡京拜相不數年子六人孫四人為執政從官有謝表云奉觴在庭子孫並列張蓋歸第父子同途宰相鄭居中二子脩年億年劉正夫二子卓民阜民余深二子日章元清王黼一子閱享日時中一子彥暉執政蔡下一子仍鄧洵仁一子襄鄧洵武一子雍並以曲恩倖例列於從班而阜民襄閱享九儒弱或始十餘歲宣和末諫官李會抗疏論列以為尚從竹馬之遊已造荷囊之列時以為名言

奏官銜去左右字

趙善俊

臣切見元祐間范純仁當國一時科舉取人多得豪傑之士范純仁病夫公卿家子弟或不知書言於朝乃於有無出身人街



位上帶左右字以分優劣純仁之意非有他也蓋欲公鄉子弟知向學故爲是以獎勸焉然不知國家用才應舉覈官乃寒士竊此進身耳其與門蔭未可以優劣判若以左右二字區別則門蔭子弟爲善者或怠官不知所以自勉自重欲望陛下除夫左右二字則士大夫自勵自勸相與激發以自致功名奉聖旨依

遂初堂記

黃直卿名幹

始予識劉君正之於屏山正之年方十六七予意其貴顯已三世綺襦之習聲色之樂軒冕之味必有以動其心成其質者已觀其貌聽其言察其行則褒衣博帶墊巾芒屨不見其瑤環瑜珥也左圖右史吟風詠月不見其粉白黛綠也高談抗論動與

世忤不見其脂韋嫵媚與波上下也予退而歎曰富貴人所欲也彼豈異於人哉所謂居移氣養移體者果足信也哉抑其年少氣銳久而遂變也哉自是以來與之交日熟情日親即其新以考其舊蓋有甚焉無不及也其後予以禍患摧折退居故鄉而正之方馳騁東西爲諸侯客蓋不見者十有餘年既而聞其以憤世嫉邪斥辱權要罷歸田里其先公之賓客有顯國秉者其先太夫人之親族有屬中官者宦遊之交好有爲天子之耳目者宜若可以目白且彈冠矣親故愛正之者亦率以是勉之而正之儼然而不應日與親朋彈琴賦詩種花植竹蕭然若將終身焉予又退而嘆曰是其天資之美不以外物累其中者也其是真能不負其初心者也此古之有道者之所難而風雨之詩



所爲作也。癸亥之秋，予復訪正之于屏山。正之與予言曰：予少時嘗以遂初名其所居之室。晦菴朱先生嘗爲余書之。子能爲我記之乎？予曰：若先生者，固望子以遂其初。予固有以知子之果能遂其初也。富貴之毒人也甚於鴆，惟其嗜之美也。而其毒愈深。螻蛆其帶，鴟鴞嗜其肉。彼豈知其爲臭腐哉？墻間之餘嗟來之食，蓋有妻妾之所不屑者。而大丈夫不顧廉耻而昌求之。今子生於公相之家，狃於富貴之樂，而能遺外聲利，不改其度。如此，是豈不甚可敬哉？雖然，子之初亦既遂矣。吾請卒言其所謂初者。子其爲我聽之。天地之初，大極是也。人物之初，性善是也。聖賢之初，赤子之心是也。斯其能遂吾之所謂初者乎？子能遂之，則子之家之初，忠烈如延康，勲業如少傅，道德如屏山，僅前

人之美發揮而光大之，如忠肅者，子皆有以遂之矣。正之曰：某不敏，敢不敬蚤夜以承子之教。因書其本末以爲遂初堂記。

古詩

詠史

爵上澗底松，離上山上苗。以彼徑寸莖，蔭此百尺條。世胄躡高位，英雄沉下僚。地勢使之然，由來非一朝。金張藉舊業，七葉踞漢貂。馮唐豈不偉，白首不見招。雜著以千，係不克紹。

子弟不學

人生在世，會當有業。農民則計量耕稼，商賈則討論貨賄，工巧則致精器用，技藝則沉思法術。武夫則慣習弓馬，文士則講議



經書多見士大夫耻涉農商羞務工技射既不能穿札筆則終  
記姓名飽食醉酒忽忽無事以此銷日以此終年或因家世餘  
緒得一階半級便自爲足全忘脩學及有吉凶大事議論得失  
蒙然張口如坐雲霧公私宴集談古賦詩塞默低頭欠伸而已  
有識旁觀代其入地何惜數年勤學長受一生愧辱哉梁朝全  
盛之時貴游子弟多無學術至於談云上車不落則著作體中  
何如則祕書無不熏衣剃面傅粉施朱駕長簪車跟高齒屐坐  
碁子方褥憑班絲隱囊列器玩於左右從容出入望若神仙明  
經求第則顧入答策三九公譙則假手賦詩當爾之時亦快士  
也及亂離之後朝市遷革銓衡選舉非復曩者之親當路秉權  
不見昔時之黨求諸身而無所得施之世而無所用披褐而喪

珠失皮而露質兀若枯木洎若窮流鹿獨戎馬之間轉死溝壑  
之際當爾之時誠爲材也有學藝者觸地而安自荒亂以來諸  
見俘虜雖百世小人知讀論語孝經者尚爲人師千載冠冕  
不曉書記者莫不耕田養馬以此觀之汝可不自勉耶若能常  
保數百卷書千載不爲小人也況父兄不可常依鄉國不可常  
保一旦流離無入庇蔭當自求諸身耳諺曰積財千萬不如薄  
伎在身伎之易習而可貴者無過讀書也 顏氏家訓

古詩

悲哉行

白居易

悲哉爲儒者力學不知疲讀書眼欲暗秉筆手生胝十上方一  
第成名良苦遲縱有官達者兩鬢已成絲可憐少壯日適在窮



賤時丈夫老且病焉用富貴為沉沉朱門宅中有乳臭兒狀貌如婦人光明膏粱肌手不把書卷身不授戎衣二十襲封爵門承勲戚資春來日日出服御何輕肥朝從傳徒飲暮有娼樓期平封去聲還酒債堆金選蛾眉聲色狗馬外其餘一無知山苗與澗松地勢隨高卑古來無奈何非獨君傷悲

詩話

詩諷貴遊

蜀王建僭位遊龍華禪院召僧貴休口誦近詩時諸王貴戚皆侍坐休欲諷之因誦公羊子曰錦表鮮華手擎鵲閑行氣象多輕忽稼穡艱難總不知五帝三皇是何物外史

世家

群書要語惟乃祖乃父世篤忠正服勞王家厥有成績紀于太常君牙仕者世祿孟子世濟其美史記畿內諸侯有太功德元子出封畿外則王命次子守其邑若有賢才則世為公卿禮記所謂故國者非謂有喬木之謂也有世臣之謂也孟子席寵門緒陳子昂公門有公卿門有卿王忱釋特論

詩句金張藉舊業七葉珥漢貂左大冲門闥冠雲霄杜家聲蓋

六合同上地甲門闥大元微之世祿金張貴孟浩然君家兄弟

直連壁門十朱輪家萬石坡唐朝韓老誇張藉定有雲孫作世

家山谷



古今事實

公侯復始

畢万筮仕於晉遇屯之比辛廖占之曰吉其必蕃昌公侯之封也公之子孫必復其始注万畢公高之後為魏之子孫眾多本

譏用世卿

尹氏卒尹氏者天子之大夫也其稱尹何貶也譏世卿世卿非禮也注世卿者父死子繼也公卿大夫皆選賢良而用之蓋卿大夫任大職重不當世為其秉政日久恩澤廣大小人居之必奪君之威權公羊

相門有相

田嬰有賤妾子名文乘間問其父嬰曰子之子為何曰為玄孫

玄孫之孫為何曰不能知也君用事相齊至今三年矣齊不加廣而君私家富累萬金門下不見一賢者文聞將門必有將相門必有相今君後宮銷綺縠而士不得短褐僕妾餘穀肉而士不厭糟糠公家之事日損文切恠之

一門萬石

石奮長子建次甲次乙次慶皆以馴行孝謹官至二千石景帝曰石君及四子皆二千石人臣尊寵舉集其門號奮為萬石君

侍中十人

張安世子孫相繼自宣元以來為侍中中常侍者凡十餘人

四世公卿

太丘長陳寔寔子鴻臚紀紀子司空群群子僕射泰四世仕於



漢魏二朝並有重名而其德漸漸小減時人語曰太丘四世公  
慙卿卿慙長博物

門十朱輪

楊惲家全盛時一門乘朱輪者十人

四世五公

後漢汝南袁安為司徒子敞為司空孫湯為太尉湯子逢為司  
空逢弟隗為司徒

袁不及楊

東京楊氏袁氏累世宰相為漢名族然袁氏車馬衣服極為侈  
備能守家風為世所貴不及楊也華嶠書

累世貴達

鄧氏累世貴寵凡侯者二十九人太尉二人太將軍以下十三  
人東京莫盛於此鄧禹傳

家世掌法

郭躬字仲孫為廷尉家世掌法務在寬平吳雄字季高及子  
訢孫恭三世為法名家陳咸孫躬躬子寵寵子忠皆典漢刑  
法後漢郭文弘子孫七人為廷尉

三人司隸

鮑宣字子都與子和孫昱俱為司隸俱乘驄馬京師歌曰鮑氏  
驄三人司隸再入公

三葉侍中

後漢馮魴曹褒父子並三葉侍中



四世太尉

漢楊震至彪四世太尉德業相繼與袁氏俱為東京名族本傳

青紫充盈

劉向疏曰今王氏一姓乘朱輪華蓋者二千三百人青紫貂蟬充盈帷內魚鱗左右

三世僕射

晉謝安安子琰琰子琨三世僕射

四世吏部

謝莊莊子朏朏子倫倫子覽覽孫溫四世太人為吏部

四世守鄉郡

晉會稽孔愉子安國愉孫靖子山士靈符四世五人為本郡

猶龍猶虎

王僧虔戒子書曰王家門中優者如龍鳳劣者猶虎豹南史

三世益州

晉汝南周訪訪子撫撫子楚三世益州

家有縣譜

南齊傅琰字季珪父僧祐為山陰令及琰又為之山陰東土太縣難為官長僧祐在縣尤明察有獮父子並著奇績江左鮮其疇匹云說者謂傅有治縣譜子孫相傳不以示人

五世吏部

宋何尚之子偃偃子戢戢子昌寓昌寓子敬容五世俱為吏部

三人學士



貞觀中顏師古相時勤禮三人皆為弘文館學士

四世司空

唐袁明遠祖滂為漢司徒自滂至明凡十二世其間位司徒司空者四世本傳

三世制誥

唐李德林至百藥安期三世掌制誥

三為舍人

王從易昆仲三人開元中鳳閣舍人

三世僕射

高士廉遷尚書右僕射三世此官世榮其貴

一門之盛

崔義玄子神基為相弟神慶子琳等皆至太官群從數十人

一榻置笏

崔儼諫議大夫其群從數十人自興寧里晉謁大明宮冠蓋駟哄相望每歲時宴於家特設一榻以置笏笏猶重積于上琳與弟太子詹事珪及光祿卿瑤其列祭戰當世號曰三戟崔家

三世典選

唐劉珍甫子祥道祥道子齊賢三世典選帝擬子待賈待賈子萬石陸元方子景融並同典選

一門二相

呂蒙正夷簡一門二相 賈黃中昌朝亦一門二相

一門翰長



呂文靖公蒙正子公弼公著公亮公瑞一門俱為翰長並青瑣集

呂文靖公蒙正子公弼公著公亮公瑞一門俱為翰長並青瑣集

韓魏公子儀公曾孫似夫 曾魯公子孝寬孫欽道三世執政

四世執政

呂許公從父文穆子惠穆正獻曾孫舜徒四世執政

周魯並拜以下係父子並貴

封魯公以為周公也周公拜乎前魯公拜乎後曰生以養周公死以為周公主公羊

父子軍尉

祁奚辭軍尉薦其子代之軍無秕政國語

父子司徒

繼美武公也父子並為周司徒善於其職

父子至相

前漢韋賢子元成 平堂子晏 唐劉祥道子齊賢 樂彦瑞

子恩晦 蘇瓌子頌 陸元方子象先 竇德玄子懷貞 李道

廣子元統 令狐楚子綯 崔鉉子讓能 徐商子彥若 崔

慎由子胤 常仁約承慶嗣立 鄭珣瑜子單朗 李吉甫子

德裕 宋呂夷簡子公著 韓琦子忠孝

避父坐處

杜延年字幼公周之子也為御史大夫延年居父官府不敢當舊位坐卧皆易其處

代父為卿



漢公孫賀自太僕卿遷丞相其子敬聲代父為太僕卿

父子史官

劉子玄貺父子脩史

同官隔坐

吳亮為尚書令子隲為中書令每朝會詔以御屏風隔其坐

父子中書

王琰父洽永和中為中書令至琰復居之時人以為奕世令望

繼一父職

韓弘子公武從弘入朝為右金吾將軍弘出河中弘弟玄從宣

武乃曰一父居重鎮我以孺子又當執金吾職乎固辭改右驍

衛大將軍

同日拜命

近世勳將尤貴盛者無如李郭然汾陽西平猶不得父子並為

節度田弘正父子俱擁節旄同日拜命元稹田弘正墓碑

同在禁篋

蘇瓊子頤遷給事中拜中書舍人時瓊同中書門下三品父子

同在禁篋朝廷崇之

門金列戟

德宗正元四年詔以太尉中書令西平郡王李晟長子愿銀青

光祿大夫太子賓客賜勳上柱國與晟門並列戟

同為侍郎

唐崔挹為禮部侍郎子湜遷兵部侍郎父子同為南省副



父子執政

父子秉政。宋初至清康元年凡十二家。王惠獻化墓參政子安簡舉正參政。呂文靖夷簡宰相子惠穆公弼樞密使。正獻公著宰相。石元懿熙載樞密使。子文定中立參政。陳給事恕參政子恭公執中宰相。韓忠憲億參政子獻肅絳宰相。維門下侍郎並敏績宰相。范文正仲淹參政子忠宣純仁參政。純禮尚書右丞。曹武惠彬樞密使子武穆瑋樞密副使。蔡丞相確子懋尚書左丞。蔡太師京宰相子攸樞密。曾宣靖公亮子孝寬樞密。王侍郎博文同知樞密院子思簡疇樞密使。呂文靖之老也以司徒監脩國史兼繹經潤史使。每有軍國大事與中書門下樞密院同議以聞。正獻之老也復以司

空同平章事。曾令綽之為簽書。宣靖猶康寧遂就養東府。士林尤以二家為盛事。余度却歸編

祖孫宰相

曾魯公公亮孫欽道

祖孫執政

呂正獻孫舜徒 韓儀公孫似夫 梁莊肅孫才甫 富文忠孫李中 錢文僖元孫處和 王文獻孫康靖 張師黯孫簡翼 張章簡孫元量 張榮僖曾孫忠文 蔣穎叔曾孫子禮

兄弟同省以下係兄弟

溫大雅與弟彥博大有皆知名。薛道衡見之嘆曰。二人者皆卿相材也。高祖兵興引為大將軍府記室參軍。主文檄帝受禪遷



黃門侍郎而彥博亦為中書侍中對管華近帝謂曰我起晉陽為卿一門耳

兄弟宰相

韓康公弟莊敏

兄弟執政

呂鎮南弟正惠 陳文忠弟文惠 任康懿弟安惠 吳正肅

弟正憲 呂惠穆弟正獻 韓獻肅弟莊敏 王文公弟和甫

蔡儋州弟元度 鄧子能弟文簡 洪文惠弟文安 宇文仲

禮弟宗慤

父子兄弟八翰苑

錢文僖公記父子入院二家 李文正昌武 兄弟入院二家

二賈可象望之 一李文靖相州 二錢希白師聖當時以為

極盛矣其後父子入院者又四家 錢希白子飛 梁仲素莊

肅 蘇儀甫子容 洪忠宣景伯景嚴景廬 兄弟入院者又

九家 二陳文惠康肅 二宋元憲景文 二吳正肅止憲

二韓康公持國 二蘇文忠文定 一曾文昭文肅 二蔡元

長元度 二字文仲理仲通 三洪見前然洪氏父子兄弟入

翰苑者四人古今所未有也

叔姪宰相

呂文穆蒙正姪文靖夷簡詳見叔姪

叔姪執政

胡文恭從子脩簡 林文節從子彥振 史參樞從子文惠

事文類聚後集

卷之九

一

德壽堂



章文憲從孫質夫子厚

我

明興二百年來重熙累洽賢哲奮庸後先濟美未易詳考謹以一二得所考者錄之

父子宰相南充陳一家而已

三代尚書

林文安瀚子康懿

庭槐南大宗伯庭機機子燠

祖孫尚書

薛太司空祥孫南

太司馬遠

孫太司馬原貞孫南太宰需

劉太司徒中敷

孫官保機

林文安孫燠

父子尚書

何官保文淵子文肅

喬新

王毅愍文子安簡宗彝

耿清惠九疇子文恪裕

周

莊懿瑄子文端經

倪文偉謙子文毅岳

施南太司寇禮子

大宗伯純

白恭敏圭子文裕鉞

王端毅恕子康僖承裕

侯南太司馬瓚子太司徒觀

許襄敏進子莊靖誥文簡讚官

保論林文安子康懿太宗伯

王南太冢宰華子新建守仁

吳南太司寇洪子太司寇山

李太司徒瓚子文敏廷相

劉官保璟子太司寇詔

何南太司空詔子太司寇鰲楊太

冢宰傳子太司徒俊民

兄弟尚書

二林

三許

蔣南太

司徒昇弟文定冕

石官保玠弟文介珽

李南大宗伯璣弟

太司馬遂

古今文集

雜著

漢霍光金日磾贊

霍氏以結髮內侍起於階閭之間確然秉志義形於主受神祿



之託擁昭立宣雖周公阿衡何以加然光不學無術闇於大理  
死財三年宗族誅夷哀哉金日磾夷狄亡國羈虜漢庭而以篤  
敬寤主忠信自者勤功上將傳國後嗣世名忠孝七世內侍何  
其盛也

唐八蕭贊

梁蕭氏興江左實有功在民厥終無大惡以寢微而亡故餘社  
及其後嗣自瑀至璠凡八葉宰相名德相望與唐盛衰世家之  
盛古未有也

宋韓氏父子贊

昔袁安未嘗以職罪鞠入史氏以其仁心足以置平後昆韓億  
不悅擯人以小過而君子知其後必大皆盛德事也億有子仲

公府而行各有適絳適於同維適於正績適於嚴為序維其賢  
哉

呂文靖贊

以夷簡為父而公著為子其謀謀事業有大過入者蓋夷簡善  
任智而公著則持正以成天下之務賢於父遠矣昔伊尹相湯  
咸有一德子陟相太戊平咸又王家子賢以相祖乙漢之元平  
唐之蘇李宋之韓呂氏皆以相業世其家為序盛歟

子孫盛名

柳宗元

昔韋孟以詩禮傳楚而郊廟之詩卒正於元成鄭玄以箋注師  
漢而禪代之儀卒集於小同賈誼以經術起而嘉最好學盧植  
以孺學用而諶為祭酒舊史咸以為榮



新編古今事文類聚後集卷之九終

三系 後言堂

新編古今事文類聚後集卷之十

建安	祝穆	和父	編
金陵	唐富春	子和	刊

人倫部

外祖孫

羣書要語於僕爲諸外翁元集外氏之世德存乎古史揚乎人言柳文內第序

外孫韓集慶流於外孫白集累累外孫有携有嬰扶牀坐藤嬉戲

歡爭

詩句尔爲曾外孫。惆悵汙血駒杜邵公不易勝莫看外家欺王

事文類聚後集

卷之十

一

後言堂



建中郎餘慶鍾羊祐子幼能文似馬遷邕之甥琰之子白集扶

牀小女君先識應有此此似外翁元集

古今事實

述太史公書

楊惲母司馬遷女也惲始讀外祖太史公記頗為春秋以材能稱又云遷死外孫楊惲祖述其書遂宣布焉

鮮外孫爭

東漢樊宏資至巨萬而加惠宗族外孫何氏兄弟爭財宏恥之以田二頃解其忿訟年八十餘終

外祖見奇

荀勗依舅氏十餘歲能屬文從外祖魏太傅曰此兒當及其曾

祖梁隆雖少為外祖張岱所異謂諸子曰此汝家陽元也

成此宅相

魏舒字陽元少孤為外家甯氏所養甯氏起宅相宅者云當出貴孫外祖母以盛氏甥小而慧意謂應之舒曰當為外氏成此宅相

有外祖風

梁王筠清談好學沈約見筠少為似外祖表榮謂僕射張稷曰王郎非惟類類表公風韻都欲相似稷曰表公見人輒於嚴王郎見人必嬉笑惟此一條不能酷似

從外祖學

蔣又幼從外祖家學得其書傳覽強記本傳



外氏鞠養

周翼無託養在邵家六帖隋皇甫續三歲而孤為外祖母所鞠養嘗與諸外兄博奕孝寬督以嚴訓續歎命左右自校孝寬聞而對之流涕於是博談經史

外五世祖

溫造曰臣五世外祖李靖本傳

期以名位

楊於陵生子嗣復外祖韓滉撫其背曰名與位皆踰其父此楊氏之慶也本傳

外祖補官

司馬朴永相光之兄里之孫也少喪母育于外祖范純仁紹聖

初黨議起父宏坐中書論辨得罪純仁亦坐救黨人責未州月疾失明客至必令朴導以見時方七歲進揖應對如成人安皆驚歎以純仁遺恩補官

古今文集

雜著

晉故征西大將軍長史孟府君傳 陶潛

君諱嘉字萬年江夏鄂州人也曾祖父宗以孝行稱依吳司空祖又揖元康中為廬陵太守宗薨武昌新陽縣子孫家焉遂為縣人也君少失父奉母至孝居娶太司馬長沙桓公陶侃第十女閨門孝友人無能間鄉閭稱之冲默有遠量弱冠傳類咸敬之同郡郭遜以清操知名時在君右當歎君溫雅平曠自以為



不及遜從弟亦有才志與君同時齊譽每推服焉由是名冠州里聲流京邑太尉潁川庾亮以帝舅民望受分陝之重鎮武昌并領江州辟君都廬陵從事下郡還引見問風俗得失對曰嘉不知遠傳當問從吏亮以麈尾掩口而笑諸從事既去喚弟翼語之曰孟嘉故是盛德人也君既辭出外自除吏名便步歸家毋在堂兄弟共相歡樂怡怡如也旬有餘日更版爲勸學從事時亮崇脩學校高選儒官以君望實故應尚德之舉太傅河南褚裒簡穆有器識時爲豫章太守出朝宗亮正旦大會州府人士卒多時彦君坐次甚遠褒問亮江州有孟嘉其人何在亮云在堂卿但自不見褒歷觀遂指君謂亮曰將無是耶亮欣然而笑嘉褒之得君奇君爲褒之所得乃益重焉舉秀才又爲安西

將軍庾翼府功曹再爲江州別駕巴丘令征西大將軍譙國桓溫參軍君色和而正溫甚重之九月九日溫游龍山參佐畢集四第二甥咸在坐時佐吏並著戎服有風吹君帽墮溫目左右及賓客勿以觀其舉止君初不自覺良久如廁溫命取以還之廷尉太原孫盛爲諮議參軍時在坐溫命紙筆令嘲之文成示溫溫以着坐處君歸見嘲笑而請筆作答不容思文辭超卓四座歎之奉使京師除尚書刪定郎不拜孝宗穆皇帝聞其名賜見東堂君辭以脚疾不任拜起詔使人扶入君嘗爲刺史謝永別駕永會稽人喪亡君求赴義路由永興高陽許詢有雋才辭榮不仕毋縱心獨往客居縣界嘗乘船近行適逢君過歎曰都邑美士吾盡識獨不識此人唯聞中州有孟嘉者將非



是乎。然亦何由來此使問君之從者。君謂其使曰。本心相過。今先赴義。得還就君。及歸。遂止信宿。雅相知得。有若舊交。還至轉從事中郎。俄遷長史。在朝。憤然。伏正順而已。門無雜賓。常會神情。獨得便超然。命駕徑去龍山。顧景酣宴。造夕乃歸。溫從容謂君曰。人不可無勢。我乃能駕御卿。後以疾終於家。年五十一。始自總髮。至于知命。行不苟合。人言無益於未嘗有喜愠之容。好酣飲。逾多不亂。至于任懷得意。融然遠寄。旁若無人。溫嘗問君。酒有何好。而卿嗜之。君笑而答曰。明公但不得酒中趣。爾。又問。聽妓絲不如竹。竹不如肉。答曰。輒近自然。中散大夫桂陽羅含賦之曰。孟生善酣。不慙其意。光祿大夫南陽劉耽。昔與君同在溫府。淵明從父太常璉嘗問耽。君若在。當已作公。不答云。此本是

三司人。爲時所重。如此。淵明先親君之第四女也。凱風寒泉之思。寔鍾厥心。謹按採行事。撰爲此傳。懼或乖謬。有虧大雅君子之德。所以戰戰兢兢。若履深薄。云爾。

記外祖程公遺事

蘇子瞻

公諱仁霸。眉山人。以仁厚信於鄰里。蜀平。中朝士大夫憚遠宦。闕選士人有行義者。攝公攝錄事參軍。眉山尉有得。蘆腹根者。實必而所持刀。誤中主人尉。幸賞以勅。聞獄掾受賄。掠成之。太守將慮囚。囚坐廡下。泣衣盡濕。公適過之。知其冤。咋謂盜曰。汝冤。盍自言。吾爲汝直之。盜果稱冤。移獄。竟殺盜。公坐誅。因罷歸。不及月。尉掾皆果卒。後三十餘年。公晝日見盜拜庭下。曰。尉掾未定服。待公而決。前此地。府欲召公。暫對我叩頭。爭之曰。



不可以我故死公是以至今公壽盡今日我爲公荷擔而往暫對卽生人天子孫壽祿朱紫滿門矣公具以語家人沐浴衣冠就寢而卒其幼時聞此語已而外祖父壽九十舅氏始貴顯壽八十五曾孫皆仕有聲同時爲監司者三人玄孫官學益盛而尉之子孫微矣或謂益德公之深故不忍煩公暫對可也而獄久不決豈主者亦因以苦尉掾也歟紹聖二年三月九日某在惠州讀淵明所作外祖孟嘉傳云凱風寒泉之思寔鍾厥心意悽然悲之乃記公之遺事以遺程氏亦庶幾淵明之心也是歲九月二十七日惠州皇華館思無邪齋書

記外大父祝公遺事

朱元晦

外家新安祝氏世以貲力順善聞於州鄉其邸肆生業幾有郡

城之半因號半州祝家有諸景先者號二翁尤長者元祐黃太史嘗贊其畫象廣幅全身太書百許字詞甚瑣瑯經亂而逸嘉少時見外大父猶頗能誦其語至諸舅則皆已不復能記憶矣二翁諸子皆讀書外大父其第二子也諱確字永叔特淳厚孝謹少時聞父母將爲謀昏逃避累日家人驚索得之猶涕泣不能已問其故則曰審爾則將不得與父母昆弟蚤夜相親矣親喪廬墓下手植名木以千數率誦佛書若干過乃殂一本比終制而歸則所殖已鬱然成陰矣一兄一弟先後死熙河皆親往致其喪往返徒步不啻萬里所舍輒悲號上食如禮夜寢柩旁不忍跽步離去路人皆爲太息諸弟求析其產公爲涕泣曉譬不能奪時四妹猶未行而諸弟得財皆散去不復顧公獨罄已



貨以遺之其一歸同郡汪公勃汪公後登二府終身德公不能忘人兩賢之歲大疫親舊有盡室病卧者公每清旦輒携粥藥造之徧飲食之而後反日以爲常其他濟人利物之事不勝計雖傾貲竭力無吝色鄉人高其行學試又多占上列郡博士請錄其學事時三舍法行士子無不由庠序以進公從容其間若無所爲而後生得所矜式咸敬服焉嘉先君子於時亦爲諸生年甚少未爲人所知公獨器重以女歸之後卒以文學致大名世乃以公爲知人方臘之亂郡城爲墟鄉人有媚事權貴者狹墨敗徙州治北門外以便其私而所徙宦下潦漲輒平地數尺衆皆不以爲便將列其事以訴諸朝者餘二千人而莫敢爲之首公奮然以身任之其人復取特旨坐公以違御筆之罪公爲

變姓名崎嶇遁逃猶下諸路迹捕不置如是累年時事變更群小破散然後得免而州治亦還故處鄉人至今賴之而公之家貲事力不能復如往時矣比其晚歲生理益落而好施不少衰年八十三以終娶同郡喻氏亦有賢行生二男一女伯舅華娶張氏其先以治獄有陰功王宣徽拱辰所傳張佛子者也見陰次卽先夫人德性特似公其行事自見家傳叔舅嶠少敏悟有文長從先君子游聞伊洛之風而悅之然求舉輒不利喻夫人及伯舅既先卒叔舅後公十餘年亦卽世今唯伯舅之子康國居建之崇安叔舅之孫回居劍之木溪而康國之二子已總髮能誦書矣喜惟外太父之淳德高行先人後已其誠心所格固宜有後而康國母家所積之遠又如是天之報施其將在於此



乎。竊感陶公作孟府君傳及近世眉山蘇公亦述程公遺事不勝凱風寒泉之思。書此以遺康國使藏于家。時出而訓習之以勵其子孫。又記嘗聞先夫人說第四外叔祖父豪俠不羈。蚤從黃太史遊。黃公謫黔中。因以客從黃公賢之。爲更名林宗。而字之曰有道。字說見姓名明與之諷詠書札甚多。今皆不存。獨所爲書柳如京皇考志。見兄弟門世或傳其墨本。姓字尚可見耳。先夫人及叔舅少時猶及見其道說。黃公言行甚詳。酒酣悲歌感慨淒絕。不類世俗音調。問其所以。則曰黃公之遺聲也。此事外家兄弟亦少聞者。因附記于此云。

嘉既叙此事。將書以遺濟之弟。未果。而濟之復以疾不起。其二子丙癸相從於建陽。因書昇之。俯仰今昔爲之流涕。

不能已。慶元戊午臘月既望書。

跋祝公遺事後

呂伯可

祝氏世居江陵。自承俊遷于欽。曰仁質號半州。其子也。孫象喆改名用之。登儒科。爲太學博士。六世有名筠。預鄉薦。學富而文贍。弟真爲郡學官。至和甫七世矣。名穆。卽丙其諸父皆依朱文公。遂爲建人。和甫幼孤。文公教養於家。塾年甫志學。命黃公幹爲行冠禮。蓋及親炙當時講論之益。故其氣象粹溫。刻意問學。於書無所不讀。下筆頃刻數千言。將以儒學昌其家。所謂光遠而自他有耀者也。祝氏復興其在建平始太傅有弟景先。卽黃太史所贊其畫像者。生男若女十有四人。其第四女實爲縣邑樞密汪公勃之夫人。又其第三子銓之女復歸樞密子提刑。



公作礪而待御公義和寺丞公義榮給事公義端皆其所生也  
第二子確之女適常齋吏部朱公松是爲文公之母故鄉人相  
傳祝氏女位最高有名堯臣爲郡學諭者景先第八子磐之子  
也男女四人嘗奇第三女家雖貧不肯以與凡子未及嫁而學  
諭公卒親族咸以屬同郡呂牛兩窮相值遂成姻對越七年而  
午偶忝末科由是祝氏女位高之語復喧傳於鄉間貳卿汪公  
綱之兄弟與公貳卿朱公在尤爲祝氏喜所以篤叙甚至嘗聞  
外舅往來朱汪之門文公與待御諸公皆重渭陽之念深加愛  
敬此意流傳歷世不泯豈惟祝氏得所憑依而且施及於牛焉  
乃知前輩高情曲崇親誼遺風凜凜可尚已一日和甫示予以  
文公所記外家遺事三復感歎謹再拜書其後時紹定六年五

月旦日也

送班孝廉序

柳宗元

隴西辛殆庶猥稱吾文宜叙事晨持練素以班孝廉之行爲請  
且曰夫人殆所謂吉士也愿而信質而禮言不驕慢行不進越  
其先兩漢間繼修文儒世其家業其風流後胤耽學篤志之士  
往往出於其門今夫人研精典墳不告劬勩屬者舉鄉里登春  
官獲居其甲馬家于蜀之東道其嚴君以容卿之位替是方岳  
爲大夫良今將拜慶寧觀光耀族屬是其可歌也道出于南鄭  
外主父以將相之重九命赤社爲諸侯師今又將亟駕重謁從  
容燕喜是又可歌也故我與河南獨孤中叔趙郡李行純行敏  
等若干人皆歌之矣若乃序者固君子宜之柳子曰吾嘗讀手



命論及漢書其立言彼生彪固之曹歟相國馬翊公功在社稷德在生人其門子遊文章之府者吾嘗與之齒彼生嚴氏之出歟承世家之儒風沐外族之休光彼生專聖人之書而趨君子之林宜矣哉遂如辛氏之談濡翰于素因寓于辭曰為我謝子之舅氏珠玉將至得無修容乎

律詩

贈外孫

王介甫

南山新長鳳凰雛眉目分明畫不如年少從它愛梨栗長成須讀五車書

# 舅甥

羣書要語母之舅弟為舅母之從父舅弟為從舅爾雅男子謂姊妹之子為生謂我舅者吾謂之甥同上既有肥牡以速諸舅釋名姊妹之子曰甥出配他男而生也姊妹之孫謂從孫甥襄二十五年注

詩句綴戚鴈孫甥韓城南縣句

古今事實

母黨

初叔向欲娶申公巫臣氏其母欲娶其黨叔向曰吾母多而庶鮮吾欲舅氏矣注言母多勝妾而庶子鮮少兼母氏性不廣左昭二十八

晉自秦出



晉侯曰康公我之自出注秦康公晉外甥也威十二

彌甥

季康子曰以肥之得備彌甥也注季康子名肥彌遠也康子父之舅氏故稱彌甥

與舅同心

秦伯納晉公子重耳及河子犯以璧授公子曰臣從君巡於天下臣之罪多矣臣猶知之而況君乎請由此亡公子曰所不與舅氏同心者有如白水投璧于河傳二十四

渭陽送舅

渭陽康公念毋也我見舅氏如毋存焉我送舅氏曰至渭陽舅甥同官

汲黯字長孺司馬安是其姊子與黯同為太子洗馬史

衛本霍出

霍去病衛青姊子也

珠玉在側

衛介字叔寶風神秀異入市見者皆以為玉人王濟字武子玠之舅也每見玠輒嘆曰珠玉在側覺我形穢又嘗語人曰與玠同遊同若明珠之在側朗然照人

成此宅相見外祖孫門

以豐之甥

謝安與姪謝玄賭墅顧謂甥羊曇曰以豐之爾

家世名甥



劉嶠字慶孫弟琨字越石並爲尚書郎郭奕之甥名著當時京師爲之語曰洛中弈弈慶孫越石

祖舅見知

晉鎮南大將軍劉弘應詹之祖舅請詹爲長史謂之曰君器識弘深後當與老子於荆南矣

酷似其舅

宋桓元聞義軍起大懼曰劉裕一世之雄勇冠三軍劉毅一擲百萬何無忌劉牢之之外甥酷似其舅共舉大事何爲無成

恩過子弟

南史丹陽徐湛之素爲彭城王義康所愛雖爲舅甥恩過子弟舅所鍾愛

陳江聰七歲而孤依于外氏聰敏爲舅吳平光侯蕭勵鍾愛謂曰爾神采英拔後知名當出吾右

舅所期待

封倫年方少舅盧思道曰是兒識略過人當自致卿相

選甥坐貶

王涯居翰林其甥皇甫湜中選考覈之際不先言上坐貶

知可談兵

李靖字藥師其舅韓擒虎每與論兵輒嘆曰可與語孫吳者非斯人尚誰哉

舅託幼女

韓充依舅李元元爲河陽節度使署充爲牙將元曰我知君舊



矣吾兒不才不足累卿者二女左幼以為託後元沒充為嫁

不許官甥

張克勤左環衛大將軍有詔賜一子五品官克勤以息幼推與其甥裴夷直劾曰克勤雖有司法引庇宅族開後日賣爵之端不可許詔聽遂著于令

舅氏補官

周濂溪少孤養外家景祐中用舅氏龍圖學士鄭公尚奏請將作監主簿

古今文集

古詩

奉送二十三舅錄事之攝郴州 杜甫

賢良歸盛族吾舅盡知名徐庶高交友劉半出外甥泥塗豈珠

玉環堵但柴荆衰老悲人世驅馳厭甲兵氣春江上別淚血渭

陽情舟鷁排風影林鳥反哺聲永嘉多北至勾漏且南征必見

公侯復終聞盜賊平郴州頗涼冷橘井尚淒清後役何處居

官志在行

贈別從甥高五

李白

賢甥即明月越嶺動天門能成吾宅相不減魏陽元自顧寡籌

略功名安所存與爾共飄飄此心難具論

內外兄弟

妻兄弟附

君書要語姑之子注外兄弟也舅之子注內兄弟也 爾雅 睦



於父母之黨可孝矣禮

妻兄弟今人以舅稱妻之兄弟終無所据前輩但以兄弟稱之也朱語錄

詩句他鄉為表弟還往莫辭還杜詩友漸連璧言姻喜附良柳

古今事實

外家之寶

韋述父景駿元行冲景駿姑子也為時儒宗常載書數車自隨述入其室觀書不知寢食行冲異之試與語前世事孰復祥諦如指掌然使屬文受紙輒就行冲曰外家之寶也世談

為內兄鼓琴

晉阮瞻字千里讀書不甚研而默識其要善彈琴內兄潘岳每令彈琴終日達夜无忤色不可得而榮辱

薦舉外弟

太學博士周捨舉外弟徐摛曰形質陋小若不勝衣而堪此選乃為晉安王侍讀劉璠梁典

內弟之喪

文中子有內弟之喪不飲酒食內郡人非之

外兄歎異

孔紹安閉門讀書數十萬言外兄虞世南歎異之本傳

過妻兄食以下係妻兄弟

劉穆之少貧姪往妻兄江氏乞食多見厚江氏後有慶會屬令



勿來穆之猶往食畢未積柳江氏兄弟戲之日檀榔消食君乃  
饑何忽須此妻市肴饌為其兄弟以餽穆之穆之為丹陽尹乃  
令厨人以金盤貯檀榔一斛以進之本傳

妻戒弟勿來

王右軍弟夫人謂二弟司空情中郎鑒曰王家見二謝傾筐倒  
覆見汝輩來平平耳汝可無煩復往也世說

責外姪不來

王江州夫人語謝道曰汝何以都不復進夫人云之為是塵俗  
經心天分有限

期待妻甥

何充廬江人王導妻姊之子王導早為顯官充嘗謂導舍導以

麀尾指床呼充共坐曰此是君座也

傾陷妻族

柳勤與妻族不協欲陷之為飛語勤杖死元宗紀

財產歸妻弟

許昌士人張孝基娶同里富人女富人只一子不肖斥逐之富  
人病且死盡以家財付孝基與治後事如禮父之其子馬於塗  
孝基見之惻然謂曰汝能灌園乎答曰如得灌園以就食幸矣  
其灌園稍自力孝基復謂曰汝能管庫乎答曰得管庫又何幸  
也孝基使管庫覺訓謹無他過知其能自新遂以其父所委財  
產悉歸之其子自此勵操厚德錄

古今文集



雜著

事文類聚後集

卷之十

十五

德壽堂梓

代仲兄會表兄弟序

黃直卿 翰

北山黃東招其內弟鄭子恭而告之曰吾從母昆弟皆葉出也葉氏昆弟猶吾從母之昆弟也凡三姓四家雖所系不同且吾外祖父母以來一本而已先王制禮列之五服之次以爲總麻之戚焉古之總麻非今之所謂總麻也其歲月必相往來吉凶必相慶吊出入必相餞勞禍患必相調卹亦其理宜也世降俗末利害交攻一室之內同姓之中尚有爭毫末相鬭鬭者況於異居別族之親乎吾故昆弟散而居於城之東西南者有累千數年而不相見者焉邂逅相遇問起居外僅能貌相勞苦而已漠然無情矣至於諸妙諸子則有終身而不識面者焉吉凶禍

患之來而能爲之問其苦樂者亦罕矣嗚呼此豈人道之所可安也哉吾嘗記爲童子日外祖父母皆無恙歲冬之朝兄弟畢集相與握手終日談諧笑語市粟相啖迨其去則留連不忍捨旦暮又思之而幸其復來也豈非秉彝良心有不能自已者及其長也而後休於習俗迫於利害而不能以相保此有識者之所當慨念也今吾欲與兄弟約以歲正月之十日六月之二十日會于天寧之浮圖天寧去城南十里於吾三姓兄弟之往來道理適均人具肴一棹酒一壺飯一器春蟪夏荔不拘其數合而飲食之古人騷賦詩詠與夫投壺弓矢之具有則携之以快娛樂相告語以孝悌忠信相問勞以老少安否家計有無至於農圃桑林之業皆可抵掌而劇談也世俗俚下之詞閨闈米

事文類聚後集

卷之十

十五

德壽堂梓



事類彙編 卷之十  
德壽堂  
塹之賤則謹勿出諸其口畏而往戴星而歸於是重親族厚風  
教其不善歟子恭曰善哉蓋為之期且而告之乎余曰吾二十  
年前表兄弟之存者二十有十人今其亡者六人矣亡者不可  
復作其僅存而長者不下四五人少者亦已娶婦抱子矣使此  
十五人者皆康寧皆壽考皆歲無它適而能相樂其為斯會也  
誠有不可緩者吾欲始以壬子之春如何子恭曰善哉敬受教  
遂述其言如此編以告諸兄弟俾書其姓名于左曰如約東長  
謹書曰黃東如約

古詩

次韻送表弟程懿叔赴夔瀾

蘇子瞻

與子甥舅氏推顏各蒼頭金為東諸侯長此佳江山寒松無時

花安得掃髮鬢惟將老不死一笑榮枯間我甚似樂天但無素  
與綠樹冠未及雀當獲一紀閑子亦拙進取才高命堅頑如  
萬斛舟行此九折灣仲氏新得道一漚自塵寰歲晚家鄉路遠  
莫遣生榛菅

表弟程六知楚州

蘇子瞻

炯炯明珠照雙壁當年三老蘇程石里人不道避鳩杖刺史迎  
門倒屣為我時與子皆兒童狂走從人覓梨栗健如黃犢不可  
待隙過白駒那暇惜醴泉寺古垂橘柚石頭山高暗松栢諸孫  
相淅萬里外一笑未解千憂積子方得郡古山陽老丰風生謝  
刀筆我正食毫紫微閣病眼昏花困書檄莫教印綬繫餘年去  
掃墳墓當有日功成頭白早歸來共藉梨花作寒食



律詩

表弟程德孺生日

蘇子瞻

伏下千官散紫庭，時聞小語說蘇程。  
長身自昔傳甥舅，壽骨遥知是弟兄。  
曾活萬人寧望報，祇求五畝却歸耕。  
四朝遺老凋零盡，鶴髮他年幾箇迎。

外姪李光祖往見尚垂髫，今觀寄嗣直小詩已可愛。  
因次韻

黃曾直

昔別長安未裹頭，如今詩句可消愁。  
外家未覺風流遠，他日相期到益州。

示內弟

朱元晦

務學修身要及時，競辰須念隙駒馳。  
清宵白日供遨蕩，愁殺堂

頭老古錐

古詩 係妻兄弟

送謝公定作竟陵主簿

黃曾直

謝公文章如虎豹，至今班班在兒孫。  
竟陵主簿極多聞，萬事不理事討論。  
澗松無心古蒼鬣，天球不琢中粹溫。  
落筆塵沙百馬奔，劇談風霆九河翻。  
胸中恢疎無怨恩，當官持廉且不煩。  
吏民欺公亦何忍，慎勿驚魚使水渾。  
漢濱耆舊今誰存，駟馬高蓋徒紛紛。  
安知四海習鑿齒，拄笏看度南山雲。

送祝仲容歸新安

朱喬年

公娶仲容之姊，即文公之母也。

歷亂百憂心漂零，天涯天讀禮不盈尺。  
眼萎坐自憐，君來訪安



否春風吹柳綿  
篝燈濟平生  
微恍夜不眠  
那知歲月度  
但怪米  
雪堅感君懷  
親意使我淚  
貫泉高堂急  
榮養躬耕恨  
無田筆端  
日色新氣壓  
諸生前聖門  
要鑽仰至味  
研簡編經綸  
出緒餘文字  
忘蹄筌  
牢年聞擊竹  
妙契琴無弦  
此時一瓣香  
竟為何人然  
江湖多此風  
懷哉歸袖翩  
刮目看奮飛  
此道要著鞭

律詩

開成中楊汝士以戶部檢校尚書鎮東川白樂天郎其妹婿也時樂天以太子少傅分洛戲代內子賀兄

嫂詩曰

劉綱與婦共昇仙  
弄玉隨夫亦上天  
何似沙哥汝士小字領兄嫂碧油幢引向東川

金花銀枕饒兄用  
畫羅裙任嫂裁  
家得黔婁為妹婿  
可能空寄蜀茶來

新編古今事文類聚後集卷之十終



新編古今事文類聚後集卷之十一

建安 祝穆 和父 編

建業 唐富春 子和 梓

人倫部

姑姨

群書要語父之姊妹曰姑姑故也言於已爲父故之人也釋名  
父之姊妹爲姑王父之姊妹爲王姑曾祖王父之姊妹爲曾祖  
王姑父之從姊妹爲從姑父之從父姊妹爲從姐姑父之從祖  
姊妹爲族祖姑姨妻之姊妹曰姨母之姊妹曰姨母附雅

古今事實



占嫁不吉

初晉獻公筮嫁伯姬於秦遇歸妹之睽史蘇占之曰不吉歸妹睽孤冠張之弧姪其姑六年共通逃歸其國而棄其家明年其死於高粱之墟左傳

棄子存姪

魯義姑者野人之婦也齊攻魯至郊遙見婦人携二兒抱二兒及軍至乃棄抱者而抱攜者將與射之遂止而問曰所抱者誰之子對曰兄之子所棄者誰之子曰已子也妾見大軍至不能兩全遂棄所生之子軍曰子之於母甚痛於心何棄所生而抱兄子對曰子之於母私愛也姪之從姑公義也背公向私妾不為也齊軍曰魯郊有婦人猶持節行況朝廷乎遂回軍不伐魯

魯君聞之賜束帛號曰義姑列女鄧攸事見無子門張範事並與此同見姪門

呂姑怒姪

呂祿時出遊獵過其姑呂氏婆大怒曰若為而棄學呂氏公無處矣乃悉出珠玉寶器散堂上曰母為他人守也通鑑

班姑

班婕妤之姑也稱曰班姑

赴哀不受

後漢桓曄姑為楊賜夫人父鸞卒姑赴哀將至止於傳舍發篋從者而後入曄心非之及姑勞問終無所言號哭而已賜遣吏因縣發取祠具拒不受後母至京師未嘗舍楊氏



因姪赴火見火災門

過蔡省姨見蔡省門

獎進姨子

何文宇次道王道妻姊之子故少與王道善早為顯官嘗與諸舍導以塵尾指床呼乞共坐曰此是君座也

姨子不願仕

狄仁傑為相有盧氏堂姨居午橋南別墅仁傑因候盧姨安石適見表弟挾弓矢攜雉兔歸仁傑因啓姨曰某今為相表弟有何須悉如其言姨曰相自為貴老姨止此一子不與今事女主耳守貧賤分外無所望也仁傑慙而退朝野僉載

娶小姨見婚姻門

古今文集

雜著

亡姑陳君夫人權厝誌

柳宗元

陳君謂宗元曰子之姑孝於家移於我之長睦於族施於我之黨是用賓而禮之如益者之友今則去我已矣吾無以報焉他日嘗謂子慙而文願以為誌庶幸而有知將安子之為也長無恨矣遂哭而受命書之以紀於石

古詩

送重表姪王砮評事使南海

杜甫

我之曾老姑爾之高祖母爾祖未顯時歸為尚書婦隋朝大業末房杜俱交友長者來在門荒年自糊口家貧無供給客位但



箕帚俄頃羞頗珍。寂寥人散後。入恠鬢髮空。吁嗟爲之久。自陳  
翦鬢鬢鬢市。乞沽酒。上云。天下亂。宜與英俊厚。向竊窺數公。經  
綸亦俱有。次問。最少年。虬髯十八九。子等成大名。皆因此人手。  
下云。風雲合。龍虎一吟吼。願展丈夫雄。得辭兒女醜。秦王時在  
坐。其氣驚戶牖。及乎貞觀初。尚書踐台斗。夫人常肩輿。上殿稱  
萬壽。六宮師柔順。法則化。妃后至尊均。嫂叔盛事垂。不朽鳳雛  
無。凡毛五色非爾曹。往者胡作逆。乾坤沸。嗷嗷吾客在焉。翊爾  
家同遁。逃爭奪。至徒步。魂獨委蓬蒿。遐邇熱爾腸。十里却呼號。  
自下所騎馬。右持腰間刀。左牽紫遊韁。飛走使我高。苟活到今  
日。寸心銘琬牢。亂離又聚散。宿昔恨滔滔。水花笑白首。原草隨  
青袍。廷評近要津。節制收英髦。北驅漢陽傳。南汎上瀧舫。家聲

肯墜地。利器當秋毫。番禺親賢領。籌運神功操。丈夫出盧宋。寶  
貝休脂膏。洞主隆接武。湖海舶千艘。我欲就丹砂。跋涉覺身勞。  
安能陷蓬萊。上有志乘鯨。鰲或駭。鸞騰天聊作鶴。鳴皋

題徐氏姑壽安君壽梅亭

黃魯直

大雛銜枝來作亭。小雛銜實來種花。兩雛反哺聲查查。慈烏髮  
白兩成家。梅梁丹青射寒日。梅英飛雪點親髮。二雛同味如春  
酒。壽親一笑宜長久。金玉滿堂空爾爲。有親舉酒世上稀。生育  
劬勞安可報。折梅頌酒看斑衣。

寄狄明府

杜甫

梁公會孫我姨弟。不見十年官濟濟。大賢之後竟陵遲。浩蕩古  
今同一體。比看伯叔四十人。有才無命百寮底。公者凡弟一百



人幾人卓絕秉周禮在汝更用文章為長兄白眉復天啓汝門  
請從魯公梁公也說太后當朝多巧計狄公執政在末年濁河終  
不污清濟國嗣初將付諸武公獨延諍守丹陛禁中冊次詔房  
陵宗在前朝長老皆流涕太宗社稷一朝正漢官威儀重昭洗  
時危始識不世才誰謂茶苦耳如薺汝曹又宜製土食身使門  
戶多旌祭胡為飄泊岷漢間干謁王侯頗歷詆况乃山高水有  
波秋風蕭蕭露泥虎之饑下蟻巖蛟之橫出清泚早歸來  
土汚人眼易眯

姨母李氏崇德君贈墨并呈今作歌

黃魯直

夜來北風元自小何事吹折青琅玕數枝灑落高堂上敗葉蕭

蕭烟景寒迺是神工妙手欲自試襲取天巧不作難行看歎息  
手摩拂落勢天矯墨未乾雖然落勢多天矯往往塵晦碧紗籠  
伊人或用姓名達未必全收後偉功我有能事便白首不免身  
為老圃工豈如崇德君學有古人風揮毫李衛讓神筆衛夫人尚書即  
李所克母母以夫彈琴蔡琰方入室道韞九歲能論詩龍女早年  
姓因攜李氏先悟佛奕棊仙客腐柯還吹笙仙子下緱山更能遇物寫形似  
落筆不待施青丹尤知嘗異老蒼節獨與長松凌歲寒世俗寧  
知真與僞揮霍紛紛鬼神事黃塵汚眼輕白日卷軸無使人覘  
視見我好吟愛面勝他人直謂子美當前身贈圖索歌追故事  
才薄豈易終斯文所愛子猷發嘉興不可一日無此君吾家書  
齋傍青壁手種蒼琅十數百一官偶仕葉公城道遠莫致心慘



戚我方得此興不孤造次卷置隨琴書思歸終有故園夢便可呼兒開此圖

# 姊妹

姊妹夫附

群書要語男子謂女子先生為姊後生為妹爾雅姑姊妹女子

已嫁而返兄弟不與同席而坐不與同器而食檀弓

詩句有妹有妹在鍾離良人已沒諸姑癡杜

古今事實

有姊之喪

孔子與門人拱而尚右二三子亦皆尚右孔子曰二三子之嗜學也我則有姊之喪也二三子皆尚左

姊喪可除

子路有姊之喪可以除之矣而弗除也孔子曰何不除也子路曰吾寡兄弟而弗忍也孔子曰先王制禮不可踰也遂除之

賢姊詈子

女嬃屈原姊也楚人謂女曰嬃前漢有呂嬃袁山松云屈原有賢姊聞屈原放逐亦來歸喻令自寬鄉人莫其見從因名曰姊歸故離騷有云女嬃之嬋嬋兮申申其詈予

姊抱聽讀

賈逵年五歲其姊聞隣家讀書母抱逵就籬下聽之十歲遂能暗誦六經不至遺失

處姊未適



袁隗妻馬融女初成禮隗問之曰今處姊未適先行可乎對曰妾姊高行殊貌未遭良匹不似鄙薄苟然而已隗默然無以應

過姊留錢

范丹候姊姊飯之以姊夫不德留錢百文姊令追還丹竟不受太原郝子廉一介不苟取曾過姊家密留五十錢置席下而去

姊以醫幸

張縱少時與張次翁俱攻剽為群盜縱姊以醫幸王太后太后問子有兄弟欲為官者乎姊曰有弟無行不可太后乃言于上遂以張縱為中郎

老姊垂白

杜周有老姊垂白

寡姊糾姦

晉郭奕遷雍州刺史有寡姊隨其之官姊下僮僕多有姦犯而為人所糾奕按省畢嘆曰丈夫豈當以老姊求名遣而不問

輟饌餉姊

庾約為河南兵曹有寡姊在家約嘗於公堂輟已饌以歸餉其姊同官知而嘉歎因詒錄

迎姊不歸

却嘉賓死婦弟欲迎其姊還姊終不肯歸曰生縱不得與却郎同室死寧不同穴也世說

待姊恩薄

宋朱脩之薄於恩情姊在鄉里饑寒不立脩之為荊州刺史未



嘗供贍嘗往姊家姊爲設菜羹粗飯漱之脩之曰此貧家好食進之致飽

姊病進粥

李勣性友愛其姊病嘗自爲粥而誤燎其鬚姊戒止之答曰姊多疾而勣且老雖欲進粥尚幾何

貴妃二姊

楊貴妃有姊二人皆有才貌玄宗並封國夫人之號長曰大姨封號國八姨封秦國歲給錢千貫以爲脂粉之費

妹美強聘以下係妹

鄭徐吾妃之妹美公孫楚聘之矣公孫黑又使強委禽焉昭元淫乎其妹

南山刺繡襄公也鳥獸之行淫乎其妹南山崔崔雄狐綏綏

妹美無子

魯莊公娶于齊東宮得臣之妹美而無子

從妹宴飲

趙岐娶馬融從妹融嘗至其家與從妹宴飲作樂日夕乃出岐與友書曰馬貴長雖有名當世而不持士節三輔高士未嘗以華裾蔽其門岐曾讀周官二義不通不往造之其賤融如此

妹書徵兄

曹壽妻曹太家班超之妹也超爲都護在絕域年老思入王關太家上書曰妾兄超延命沙漠三十餘年骨肉生離不復相識奏上徵還



膺妹妻瑾

李膺祖脩言鍾瑾好學類我家以膺妹妻之

權妹妻備

蜀先主初在荊州孫權以妹妻之妹才捷剛猛有諸先之風侍婢百餘皆執刀環立先主每入心嘗凜凜法正傳

有妹能文

關圖有妹能文每語人曰有一進士所恨不獅耳南楚新聞

女弟救誅

庾希被誅將戮小弟王臺王臺子婦宣武女弟也突入號泣曰庾王臺嘗因入脚短三寸當復能作賊否宣武笑曰偕故自急遂原王臺世說

二妹才質

王凝之妻謝氏名道韞朗之妹過之姊聰明有才辨同郡張玄妹亦有才質適顧氏有濟尼者遊於二家或問之答曰謝夫人神情散朗故有林下之風顧家婦清心王映自是閨房之秀

見誣通妹

河南李淑卿為功曹應舉孝廉同應舉人害之使婢宣言淑卿淫其寡妹同學人詰尹以骨肉相姦不允應孝廉于是淑卿杜門自絕女妹傷被滯名遂到府門自殺淑卿亦自殺明已無稽也後三年霹靂害淑卿者以其屍寘淑卿家前列子

姊夫貸錢以下係姊妹夫

郭林宗家貧初欲遊學無資就姊夫貸五千錢乃遠至成皋從



師授業併日而食衣不蔽形嘗以蓋幅自障出入則護前出則掩後別傳

妹夫名賢

晉郗超為歸海太守與妹夫王羲之邁世脩黃老之術

疎其妹夫

北齊鄭元禮崔昂婦弟也時魏收為昂之妹夫有詩名一日昂持元禮數詩示盧思道曰元禮比來詩詠亦不減魏收思道曰未覺元禮賢于魏收且知妹夫疎於婦弟

妹祭天文

梁劉孝標三妹並有才學第三妹適徐排父九清拔所謂劉三娘也排卒妻為祭文辭甚悲愴排父勉欲為哀辭見此文閣筆

妹能臨畫

李尚書公擇之妹能臨竹木山石等畫黃山谷有詩見姑姨門

妹能吟詩

近世婦人多能詩張奎之妻荆公之妹也佳句為最見慧女門

古今文集

雜著

亡姊崔氏夫人墓誌

柳宗元

我伯姊之葬良人博陵崔氏為之誌凡歸於夫家為婦為妻為母之道我之知不若崔之悉也然而自筭而上以至於幼孩崔固不若我之知也又烏可以已今之制凡誌於墓者琢密石加蓋于其上用敢附碑陰之義假茲石而書焉



毀壁

黃魯直

毀壁者豫章黃太史庭堅之所作也。庭堅以能詩致大名，而尤以楚辭自喜，然以其有意於奇也，太甚。故論者以爲不詩若也。獨此篇爲其女弟而作，蓋歸而失愛於其姑，姑而猶不免於水火，故其詞極悲哀，而不暇於爲作，乃爲賢於他語云。序 朱文公  
毀壁兮隕珠，執手者兮問過。愛憎兮萬世，一軌居物之忌兮固。常以好爲禍，羞挑刺兮飯。汝有席兮不嬪，汝坐歸來兮逍遙。采芝英兮禦饑，淑善兮清明。陽春兮玉冰，媚於世兮天脫其纓。變胃人兮生冥冥，棄汝陽侯兮遇汝魯，不如生。未可以去兮殆其雛嬰，衆雛羽翼兮故巢傾。歸來兮逍遙，西江波浪何時平。山谿

冷兮猿鶴同社，瀑垂天兮雷霆在下。雲月爲晝兮風雨爲夜，得意中川兮不可繪圖。寂寞無朋兮去道如咫，彼岑坎兮可謝。歸來兮逍遙，增膠兮不聊此暇。卒章疑有誤字

古詩

寄別陳氏妹

黃魯直

西風吹天雲，頃刻異秦越。叔子從天來，忽與同姓別。錢行在半塗，食三四噓遙遙。馬嘶斷芳草，迷車轍引襟滿眼淚。回首寸心折，母氏孝且慈。愛養數毛髮，諸兒恩至均。如指執可齒，汝今始歸入綿綿。比仄陟中畦，不灌溉芳意還銷歇。黃鳥止桑隅，南山采薇蕨。擇婦既甚明，寡取乃爲悅。我開賢女傳，須已爲汝說。在宋有伯姬，繫身若冰雪。下堂失傳母，上堂就焚蕤。吾嘗嘉愿



康有婦皆明哲。力事偶耕。其貧至同穴。彼於視三公。其猶吹  
一呷。雍容二南間。此婦真豪傑。男兒何有哉。今壯而善。逢時  
秉鈞軸。邂逅把旄鉞。富貴多禍憂。朋黨相媒孽。等之穀中遊。巧  
者未如拙。勿以貧賤。故事人不盡節。母儀尊聖善。婦道尚曲折。  
葛生晚蕙。妻締綵。代表褐。女工既有餘。枕簟清煩渴。誰言淮蔡  
遠。曾不以日月。跂予升高丘。仰望飛鳥滅。善懷詩所歌。行人勿  
惜別。皇皇太史筆。期汝書英烈。

詩話

兒女迎拜

謝師厚廢居於鄧。王左丞其妹婿也。奉使荆湘。枉道過之夜至  
其家。師厚有詩云。倒着衣裳迎戶外。盡呼兒女拜燈前。后山詩

家風孝友

張叔和娶山谷之季妹。故山谷贈之詩云。張侯溫如鄒子律。能  
令陰谷泰。生春有齊先生之季女。十年擇對無可人。箕帚掃公  
堂。上塵家風孝友故相親。

女

群書要語女子出門必擁蔽其面。夜行以燭。無燭則止。內則男

女不雜坐。曲禮女子十有五而笄。曲禮教以婦德。婦言。婦容。婦

功。昏義初如處女。孫子東家處子。孟子歸寧。父母注歸寧。問父

母安否。葛覃諺曰。盜不過五女之門。以女貧家也。陳蕃傳

詩句健婦持門戶。勝一丈夫力。古樂府吾家有嬌女。皎皎頗白



抗旨左思 弱女雖非男慰情良勝無陶 學母無不為曉粧隨手抹  
移時施朱鉛狼藉面眉潤杜子見愛 女長裁褐穩男大卷書杜  
老妻憂坐癰幼女問頭風杜 生男墮地要贅力生女富貴傾邦  
國杜錦樹行 嫁女不離家生男已當戶陳后山

古今事實

使女傳言

漢伏生治尚書孝文欲召之伏生年九十餘不能行詔使晁錯  
受之注云伏生年老言不可曉使其女傳言教錯

女贖父罪見無子門

愛女甚男

張禹病帝臨問因言臣四男一女愛女甚於男遠嫁張掖太守

蕭威不勝父子私恩願與相近帝感其言即徙威為弘農太守

賈女竊香見婦門

自稱女醜

黃公有女至美其父常謙曰醜人謂實然過時無驕者

不許歸寧

李晟正歲崔氏女歸寧責曰爾有家而姑在堂婦當治酒食具  
以待賓客郎卻之不得進達

古今文集

雜著

女誠

魏荀爽

詩云泉源在左淇水在右女子有行遠父母兄弟明當許嫁配



適君子。竭節從理。昏定晨省。夜臥早起。和顏悅色。事如依恃。正身結行。稱為婦順。以崇齋斯百業之祉。婚姻九族。云胡不喜。聖人制禮。以隔陰陽。七歲之男。王母不抱。七歲之女。王父不持。親非父母。不與同車。親非兄弟。不與同筵。非禮不動。非義不行。是故宋伯姬。遭火不下堂。知必為災。傳母不來。遂成於及。春秋書之以為高也。

女典

魏程曉

丈夫有行以功補過。婦人四教以備為成。婦德闕則仁義廢矣。婦言虧則辭令慢矣。婦功簡則織紉荒矣。是以禮有公宮家室之教。詩有牖下蘋藻之奠。然後家道諧。凡儀表則見於內。若夫麗色妖容。高才美辭。貌足傾城。言足亂國。此乃蘭形棘心。玉曜

瓦質在邦。必危在家。必亡。

戒不舉女

太公曰。養女太多。一費也。陳蕃云。盜不過五女之門。女之為累亦已深矣。然天生蒸民。先人遺體。其如之何。世人多不舉女。賊其骨肉。豈有如此而望福於天乎。  
顏氏家訓

古詩

古樂府

晉木蘭

唧唧復唧唧。木蘭當戶織。不聞機杼聲。聞女何所憶。昨夜見軍帖。可汗大點兵。軍書二十卷。卷卷有爺名。阿爺無大兒。木蘭無長兄。願為市鞍馬。從此替爺征。木蘭代爺去。抹馬備戎行。易却繡綺裳。洗却鉛粉粧。馳馬赴軍幕。慷慨持干將。



律詩

貧女

秦韜玉

蓬門未識綺羅香。擬託良媒益自傷。誰愛風流高格調。共憐時世儉梳粧。敢將十指誇纖巧。不把雙眉鬪畫長。每恨年年壓金線。爲他人作嫁衣裳。

貧女吟

李山甫

平生不識繡衣裳。閑把金針益自傷。鑑裏只應諳素貌。人間多是信紅粧。當年未嫁還憂老。今日求媒只道狂。兩意定知無說處。暗垂珠泪滴蚕箱。

詩話

念故人女

韓文公受蕭符吏部知賞後過吏部舊居諸子凋謝惟二女在焉詩云中郎有女能傳業伯道無兒可主家

崔護渴水

崔護舉進士不第清明獨遊都城南得村居花木叢萃叩門久之有女子自門隙問之對曰尋春獨行酒渴求飲女子啓關以盂水至獨倚小桃柯佇立而屬意殊厚崔辭起送至門如不勝情而入後絕不復至及來歲清明徑往尋之門庭如故而戶扃矣因題詩于其左扉云去年今日此門中人面桃花相映紅人面不知何處去桃花依舊笑春風後數日復往聞其中哭聲問之老父云君非崔護耶吾女自去春恍惚如有所失及見左扉字遂病而死崔請入哭之尚儼然在床崔舉女首枕其股曰護



事類彙編 卷之二十一 在斯護在斯須更開目半日復活。老父大喜以女歸之。本事詩話

### 木蘭征戍

樂府有木蘭乃女子代父征戍十年而歸不受爵賞人為作詩然不著何代人獨詩中有可汗大點兵語知其生世非隋即唐也女子能為許事其義且武在緹紫上或者疑為寓言然白樂天題木蘭花云恁得獨饒脂粉態木蘭曾作女郎來又杜牧有題木蘭廟詩云彎弓征戰作男兒夢裡曾經與面眉幾度思歸逐把酒拂雲堆上祝明妃既有廟貌又曾作女郎則誠有其人矣亦異哉程泰之演繁露

## 慧女

群書要語德音不忘

有女同車

傳學高才

班女傳

閨房之秀

傳婦顧

詩句學書須學衛夫人

杜女中誰是衛夫人

韓

健婦果勝太

夫山谷

### 古今事實

#### 班女成史

扶風曹世叔妻班彪女名昭字惠兄固著漢書其八表及天文志未及竟而卒和帝詔就東觀藏書閣踵而成之帝數召入宮令皇后諸貴人師事焉號曰大家每有貢獻異物詔大家作賦頌時漢書初出多未能通者內郡馬融伏於閣下從昭受讀昭作女誡七篇列女傳

#### 蔡女能文

事類彙編

卷之二十一

十一

後漢書



蔡邕女琰嫁爲衛仲道妻遭亂爲胡騎所獲沒於南匈奴左賢王者十二年爲生二子曹操素善色痛其無後以金璧重賂贖之而重歸於董祀琰自傷失節而不能忘其二子爲作悲憤篇

蔡女傳記

陳留董祀妻即蔡邕之女名琰字文姬博學有才辯又妙於音律曹操因事問曰聞夫人家先多墳籍猶能記憶之否文姬曰昔亡父賜書四千許卷流離塗炭固有存者今所誦憶纔四百餘篇操曰今當使十吏就夫人寫之文姬曰妾聞男女之別禮不親授乞給紙筆具草惟命後繕書送之文無遺誤

女博士

魏后年九歲喜書輒用諸兄筆硯諸兄曰汝當作女博士耶

道韞有才

謝道韞奕之女也聰識有才辯叔父安問毛詩何句最佳道韞稱吉甫作誦穆如清風又嘗內集俄而雪驟下安曰何所似也安兄子朗曰撒鹽空中差可擬道韞曰未若柳絮因風起

古今文集

雜著

悲憤詩

蔡琰

嗟薄祐兮遭世患宗族殄兮門戶單身執畧兮入西關歷險阻兮之羌蠻山谷眇兮路漫漫眷東顧兮但悲嘆冥當寢兮不能安饑當食兮不能飡常流涕兮皆不乾薄志節兮念此難雖苟活兮無形顏惟彼方兮遠陽精陰氣凝兮雪夏零沙漠壅兮塵



冥冥有草木兮春不榮人似食兮食其腥言此離兮狀窮停歲  
暮兮時邁征夜悠長兮禁門扃不能寐兮起屏管登胡殿兮  
臨廣庭玄雲兮翳月星北風厲兮肅冷冷胡笳動兮邊馬鳴  
孤鴈歸兮聲嚶嚶樂人興兮彈琴箏聲相和兮悲且清心吐思  
兮胸憤盈欲舒氣兮恐彼驚含哀咽兮涕沾頸家既迎兮當歸  
寧臨長路兮捐所生見呼母兮號失聲我掩耳兮不忍聽時道  
我兮走氣氣頓復起兮毀顏形還顧兮破人情心怛絕兮死  
復生

詩話

父和女詩

舒王女吳安持之妻蓬萊縣君有詩寄舒王曰西風吹入小窓

紗秋氣應憐我憶家極目江山千里恨依然和淚看黃花舒王  
以楞嚴經新釋付之和詩曰青燈一點映窓紗好讀楞嚴莫念  
家能了諸緣如夢幻世間應有妙蓮花冷齋夜話

婦人能詩

劉大寶妻王平甫之女也有句云不緣燕子穿簾幙春去春來  
可得知荆公妻夫人嘗有卜詞約諸親遊西池云待得明年重  
把酒那知無用又無風皆脫酒可喜隱居詩話

李易安詞

近時婦人能文詞如李易安頗多佳句小詞云昨夜雨疎風驟  
濃睡不消殘酒試問捲簾人却道海棠依舊知否應是綠肥紅  
瘦此語甚新又九日詞云簾捲西風人似黃花瘦此語非婦人



所能及也易安再通張汝丹未幾反自有啓事與某處厚云狼  
以桑榆之晚景配茲馴僮之下材傳者無不笑之漁隱

易安有識

本朝婦人能文只有李易安與魏夫人李有詩大畧云爾漢本  
繼紹新室如贅疣云所以嵇中散至如薄殷周中散非湯武  
得國引之以比王莽如此等語豈女子所能朱語錄

因詩爲親

白藕作花風已秋不堪殘睡更回頭晚來驟雨歸飛急去作西  
窓一枕愁此趙德麟細君王氏所作也初德麟鰥居難其配因  
見此篇遂與之爲親余以爲二十八字媒也毛直方詩話

作詩寄夫

五聲中諸女皆能文詞每兄弟內集必聯詠爲樂其仲嘗作寄  
夫詩云簾裡孤燈覺曉遲獨眠留得宿粧眉珊瑚枕上驚殘夢  
認得蕭郎馬過時西清詩話

情致非宜

毗陵士人家有女年十六能詩最有情致其破錢詩云半輪殘  
月掩塵埃依稀猶有開元字想得清光未破時買盡人間不平  
事其彈琴詩云昔年耳笑卓文君豈信絲桐解誤身今日未彈  
心已亂此心元自由人予謂雖有情致非女子所宜

曹女集句

女郎曹縵作詩立成一日遊乾明寺見諸尼作繡工尼乞詩及  
應聲爲集句云睡起楊花滿繡床爲他人作嫁衣裳因過竹院



逢僧話始覺空門興味長

女子題驛

後山見宋安驛廊東柱有女子題五字詩云無人解妾志日夜  
渾如醉妾不是瓊奴意與瓊奴類讀而哀之作一絕句云桃李  
摧殘風雨新天孫河鼓隔天津主恩不與妍華盡何限人間朱  
意人青瑣高議載瓊奴姓王氏郎中幼女失身於趙奉常家為  
主母凌辱道出淮上書其事於驛壁見者哀之

新編古今事文類聚後集卷之十二

建安

祝穆

和父

編

建業

唐富春

子和

梓

人倫部

美女

官粧附

群書要語秦晉之間美貌謂之娥美貌為寵美色為麗美心為  
窈方音南楚以美色為娃服虔通俗文冶容誨淫易手如柔荑  
膚如凝脂領如蝤蛸齒如瓠犀螭首蛾眉巧笑倩兮美目盼兮  
碩人天下多美婦人何必是成三曲眉而豐頰清聲而便體秀  
外而惠中飄輕裾翳長袖粉白黛綠者列屋而閑居妬寵而負



恃爭妍而取憐

韓送李愿序

**詩句**纖手却盤老鴉色。翠滑寶釵簪不得

李賀

翠蛾紅粉嬋娟

又殺盡世人不知

鄭文叟

**古今事實**

美而艷

宋孔父嘉之妻美。宋華父督見之於路。目逆而送之曰。美而艷。

射雉妻笑

晉叔向曰。昔賈大夫惡娶妻而美。三年不言。不笑。御以如。射雉獲之。其妻始笑而言。

尤物移人

叔向欲娶申公巫臣氏。其母曰。吾聞甚美。必有甚惡。夫有尤物。

足以移人。苟非德義。則必有禍。

後見譏子門

西施家

諸賢有苧羅山若耶溪。傍有東施家。西施色美。范蠡獻之吳王。其後吳滅。蠡復取西施。乘扁舟遊五湖而不返。吳越春秋

効捧心顰

師金曰。西施病心而顰。其里之醜人見而羨之。歸亦捧心而顰。其里之富人見之。堅閉門而不出。貧人見之。挈妻子而去之。莊子

憶其妻像

齊王起九重之臺。募國中能畫者。賜之錢。有敬君居常饑寒。其妻妙色。君工畫。食賜畫臺。去家日久。思憶其妻像。回之而笑。倚人見以白王。王召問之。對曰。有妻如此。去家日久。心常念之。竊



畫其像以慰離心不悟上聞進士趙頴於畫工處得軟障圖一婦人甚麗頴欲得如此妻畫工曰余神畫也此名貞貞呼其名百晝夜不歇即必應應則以百家絲灰酒灌之遂活頴如其言果下障善笑飲食如常踰年生一子其友曰此妖也余有神劍可斬之是夕貞貞泣曰妾南嶽地仙也君忽疑妾不可更住獲其子却上軟帳嘔出前酒畫上添一子指紳胄訖

傾城傾國

李延年妹絕美延年侍上酒酣歌曰北方有佳人絕世而獨立一顧傾人城再顧傾人國不惜傾城國佳人難再得武帝聞之乃召入宮

善爲妖態

梁冀妻孫壽色美善爲妖態作愁眉啼粧墮馬髻折腰步齒齒笑以爲媚惑本傳

昭君美麗

王嬙字昭君南郡秭歸人初漢元帝宮人頗多嘗令畫工圖之拔圖以進宮人多行賂於畫工昭君姿容甚麗無所苟求工遂毀其形後匈奴求美女帝以昭君充行昭君在路愁怨遂於馬上彈琵琶以寄其恨詳見宮殿門

綠珠有貌

梁氏之女綠珠有容石季倫爲交趾採訪使以真珠三斛往買之梁氏之居舊井存焉今在鬱林州汲飲者必誕美女里閭以美女無益以石填之



圖形挑女

顧愔之尤善丹青賞悅一鄰女挑之弗從乃圖形於壁以棘針其心女遂患心痛愔之因致其情女從之遂密去針而愈

惡見婦人

梁齊登不好色惡見婦人相去數丈猶聞其臭

飾姝緩師

唐李光顏數困秦賊都統韓弘思有以撓之乃饒名姝遺光顏姝至秀曼都雅一軍驚視光顏曰士皆棄妻子蹈白刃奈何獨以女色爲樂爲我謝天子於光顏恩厚誓不與賊同生日月下厚賂使者還之士氣益厲

四起太髻

以下係宮粧

明德馬皇后美髮爲四起太髻但以髮成尚有餘繞髻三匝眉不施黛獨眉角小缺補之如粟

玉搔頭

武帝過李夫人就取玉簪搔頭自此宮人皆用玉焉

丹脂點頰

吳孫和悅鄧夫人嘗置膝上和弄水精如意誤傷夫人頰血汚裙帶醫者云得白頰髓雜玉與琥珀屑當滅痕及有赤點更益其妍諸嬖人更以丹脂點頰而要寵拾遺記

梅花粧額

見人日門

王奴蓮步

齊東昏侯有美人潘妃名王奴東昏鑿金爲之花以貼地令潘



妃行其上曰此步步生蓮花也

畫長蛾

煬帝宮中爭畫長蛾司宮吏日給螺子黛五斛出波斯國大業拾遺

畫十眉圖

明皇幸蜀令畫工作十眉圖橫雲斜月皆其名

金詞子

貴妃日與祿山嬉遊一日醉舞無禮尤甚引手抓傷妃胸乳間妃泣曰吾私汝之過也虜帝見痕以金爲詞子遮之後宮中皆倣焉青瑣高議

古今文集

雜著

高唐賦

宋王

昔者楚襄王與宋玉遊於雲夢之臺望高唐之觀其上獨有雲氣崑兮直上忽兮改容須臾之間變化無窮王問玉曰此何氣也王對曰所謂朝雲者也王曰何謂朝雲玉曰昔者先王嘗遊高唐怠而晝寢夢見一婦人曰妾巫山之女也爲高唐之客聞君遊高唐願薦枕席王因幸之去而辭曰妾在巫山之陽高丘之阻且爲朝雲暮爲行雨朝朝暮暮陽臺之下旦朝視之如言故爲立廟號曰朝雲王曰朝雲始出狀若何也玉對曰其始出也暉兮若松樹其少進也晰兮若芙蓉其狀也日而望所思忽兮改容傷兮若駕騶馬建初旗淑兮如風淒兮如雨風止雨霽雲無處所王曰寡人方今可以遊乎王曰可王曰其何如矣玉

事類彙編後集

卷之十一

五

忠孝堂



日高矣顯矣臨遠矣廣天普矣萬物祖矣上屬於天下見於  
淵珍性奇偉不可稱論王曰試爲寡人賦之王曰唯唯惟高唐  
之大體兮殊無物類之可儀比巫山赫其無疇兮道互折而層  
累登巖巖而下望兮臨太坻之稽水遇天雨之新霽兮觀百谷  
之俱集渾洶洶其無聲兮潰淡淡而並入滂洋洋而四施兮蔚  
湛湛而不止長風至而波起兮若麗山之孤歟勢薄岸而相擊  
兮隘交引而却會碎中怒而特高兮若浮海而望碣石礫礫礫  
而相摩兮營震天之磕磕巨石溺溺之澆澆兮洙潼潼而高騰  
水澹澹而盤結兮洪波滂滂而溶溶奔揚踊而搏擊兮雲興之  
聲雷雷猛獸驚而跳駭兮妄奔走而馳邁虎豹豺兕失氣恐喙  
鵬鸞鷹鷂飛揚伏竄股戰脇息安敢妄擊於是水蟲盡暴魚洑

之陽龜鼉鱣鮪交積縱橫振鱗奮翼蛟螭蛇蛇中坎遙望玄木  
冬榮煌煌炎燄奪人目精爛兮若列星曾不可殫形榛林鬱盛  
葩華覆蔭雙椅垂房科技還會徒靡澹淡隨波闊藹東西施翼  
猗狔豐沛綠葉紫翠朱室白帶纖條悲鳴聲似竿籟清濁相和  
五變四會感心動耳迴腸傷氣孤子寡婦寒心酸鼻長吏隨官  
賢士失志愁思無已歎息垂淚登高遠望使人心疼盤岸噴吼  
振陳磴磴盤石險峻傾崎崖隤巖嶇參差縱橫相迫陬互橫結  
背穴偃蹠交加累積重疊增益狀似砥柱在平山之下傾視山  
巔瀟何芊芊炫燿虹蜺俯視峭嶇窅冥窅冥不見其底虛聞松  
聲傾岸洋洋立而熊經久而不去足盡汗出悠悠忽忽怛悵自  
失使人心動無故自恐育育之斷不能爲勇卒愕異物不知所



出縱縱莘莘若生於鬼若生於神狀似走獸或象飛禽譎詭奇  
偉不可究陳上至觀側地蓋底平箕踵漫衍芳草羅生秋蘭正  
蕙江籬載菁菁全射千揭車苞并薄草靡靡聯延天天越香掩  
掩衆雀嗷嗷雌雄相失哀鳴相號王睢鸛黃正宜楚鳩娣歸思  
婦垂雞尚巢其鳴啾啾當半遨遊更唱迭和赴曲隨流有方之  
士美門高溪上成鬱林公樂聚穀進純犧禱璇室醮諸神禮太  
一傳祝已其言辭已畢王乃乘王輿與駟蒼螭垂旒旌旆合諧絀  
大絃而雅聲流冽風過而生悲哀於是調謳令人怵悒慙悽  
息增歎於是乃縱獵者基趾如星傳言羽獵銜枚無聲奇弩不  
發罕罕不傾涉潏潏馳莘莘飛鳥未及起走獸未及發毋節奄  
忽蹄足灑血舉功先得獲車已實王將欲往見之必先齋戒差

時擇日簡與玄服建雲施蜺爲旌翠爲蓋風起雨止千里而逝  
蓋發家往自會思萬方憂國害關賢聖輔不逮九敘通鬱精神  
察滿延年益壽千萬歲

神女賦

宋玉

楚襄王與宋玉遊於雲夢之浦使玉賦高唐之事其夜王寢與  
神女遇其狀甚麗王異之明日以伯玉玉曰其夢若何王對曰  
晡夕之後精神恍惚若有所喜紛紛擾擾未知何意日色晏  
乍若有記見一婦人狀貌奇異寐而夢之寤不自識罔兮不樂  
悵爾失志於是撫心定氣復見所夢王曰狀何如也王曰茂矣  
美矣諸好備矣盛矣麗矣難測究矣上古既無世所未見環姿  
瑋態不可勝讀其始來也耀乎若白日初出照屋梁其少進也



皎若明月舒其光。須臾之間，美貌橫生，燦乎如花，溫乎如瑩，五色並馳，不可殫形。詳而視之，奪人目精，其盛飾也，則羅綺綺縠，盛文章，極服妙絲，照萬方，振綉衣，被桂裳，禮不短纖，不長步，裔裔乎曜殿堂，忽兮改容，婉若游龍，乘雲翔，媚被服，悅薄粧，沐蘭澤，含芳，方性和適，宜待旁，順序卑調，心腸王曰：若此盛矣，試爲寡人賦之。王曰：唯唯。夫何神女之姣麗兮，含陰陽之渥飾，被華藻之可好，若翡翠之奮翼，其象無雙，其美無極，毛嬌鄧袂不足程，西施掩面比之無色，近之既妖，遠之有望，骨法多奇，應君之相視之盈目，孰者克尚，私心獨悅，樂之無量，交希恩疎，不可盡暢，他人莫覩，王覽其狀，其狀我何可極言，貌豐盈以莊姝兮，苞溫潤之玉顏，眸子炯其精朗兮，瞭多美而可觀，眉聯娟似

蛾揚兮，朱唇的其若丹，素質幹之醲實兮，志鮮泰而體閑，既施矚於幽靜兮，又婆娑乎人間，宜高殿以廣意兮，冀放縱而綽寬，動霧縠以徐步兮，拂墀聲之珊珊，望余帷而延視兮，若流波之將瀾，奮長袖以正袂兮，立躑躅而不安，澹清靜其情嫺兮，性沉詳而不煩，時容與以微動兮，志未可乎得原意，似近而既遠兮，若將來而復旋，褰余幃而請御兮，願盡心之惓惓，懷貞亮之潔清兮，卒與我乎相難，陳嘉辭而云對兮，吐芬芬其若蘭，精交接以來往兮，心凱康以樂歡，神獨享而未結兮，魂恍恍以無端，念然諾其不分兮，喟揚首而哀歎，頰薄怒以自持兮，曾不可乎犯，于是搖珮飾鳴玉，鸞整衣服，歛容頽頽，顧女師，命大傅歡情未接，將辭而去，遷延引身，不可親附，似逝未行，中若相首，目累微



盼精彩相授志能橫出不可勝紀意離未幾神心怖覆禮不遑  
訖辭不及寃銀假須臾神女稱遽徊腸傷氣顛倒失據聞然而  
冥忽不知處情獨私懷誰者可語惆悵垂涕求之至曙

自古言楚襄王夢與神女遇以楚辭考之似未然高唐賦  
序云昔者先王嘗遊高唐怠而晝寢夢見一婦人曰妾平  
山之女也為高唐之客朝為行云暮為行雨故為立廟號  
曰朝雲其曰先王嘗遊高唐則夢神女者懷王也非襄王  
也又神女賦序曰楚襄王與宋玉遊於雲夢之浦使玉賦  
高唐之事其夜王寢夢與神女遇王異之明日以白玉王  
曰其夢若何王對曰晡夕之後精神恍惚若有所喜見一  
婦人狀甚奇異王曰狀何如也王曰茂矣美矣諸婢備矣

盛矣麗矣難測究矣壞姿瑋態不可勝讚王曰若此盛矣  
試為寡人賦之所謂茂矣美矣至不可勝讚云皆王之  
言也宋玉稱嘆之可也不當却云王曰若此盛矣試為寡  
人賦之又曰明日以白玉王人君與其臣語不當稱白又其  
賦曰他人莫覩王覽其狀望余帷而延視兮若流波之將  
瀾若宋玉代王賦之若王之自言者則不當自云他人莫  
覩王覽其狀既稱王覽其狀即是宋玉之言也又不知稱  
余者誰也以此考之則其夜王寢夢與神女遇者玉字乃  
玉字耳明日以白玉王者以白玉也玉字與玉字倒書之耳  
前日夢神女者懷王也其夜夢神女者宋玉也襄王無與  
焉從來枉受其名耳沈存中筆談



宋王高唐神女二賦其爲寓言託興明甚予嘗即其詞而  
味其旨蓋所謂發乎情止乎禮義真得詩人風化之本前  
賦云楚襄王望高唐之上有雲氣問王曰此何氣也對曰  
所謂朝雲者也昔者先王嘗遊高唐夢見一婦人曰妾平  
山之女也願薦枕席王因幸之後賦云襄王既使王賦高  
唐之事其夜王寢夢與神女遇復命王賦之若如所言則  
是王父子皆與此女荒淫殆近於聚鹿之醜矣然其賦雖  
篇首極道神女之美麗至其中則云澹清靜其情嫵兮性  
沉詳而不煩意似近而既遠兮若將來而復旋褰余幃而  
請御兮願盡心之惓惓懷貞亮之潔清兮卒與我乎相難  
類反薄怒以自持兮曾不可乎犯干歡情未接將辭而

去遷延引身不可親附願假須臾神女稱遽聞然而宜忽  
不知處然則神女但與懷王交御雖見夢於襄而未嘗及  
亂也王之意可謂正矣今人詩詞顧以襄王藉口考其實  
則非是洪景廬容齋隨筆

宋王高唐賦載巫山神女遇楚兩王蓋有所諷也而文士  
多效之者又爲傳記以實之而天地百神舉無凡者余謂  
欲界諸天堂有配偶其無偶者則無欲者也如唐人記后  
土事以譏武后耳後山詩話

高唐神女季姬洛神之屬其詞若不可廢而皆棄不錄則  
以義裁之而斷其爲禮法之罪人也高唐卒章雖有思萬  
方憂國害開賢聖輔不逮之云亦屠兒之禮佛倡家之讀



禮耳幾何其不爲獻笑之資而何諷議之有哉朱文公楚詞後語序

登徒子好色賦

宋玉

大夫登徒子侍於楚襄王短宋玉曰王爲人體貌閑麗口多微辭又性好色願王勿與出入後宮王以登徒子之言問宋玉王曰天下之佳人莫若臣東家子瓊之兮分則太長滅之兮分則太短着粉太白施朱太赤眉如翠羽肌如白雪腰如束素齒如含貝嫣然一笑惑陽城迷下蔡然此女登牆闥臣三年至今未許也登徒子則不然其妻蓬頭擊耳顰眉歷齒又疥且痔登徒子悅之使有五子王執察之誰爲好色者矣是時秦童華大夫在側因進而稱曰臣周覽九土足歷五都從容鄭衛溱洧之間是時向春之末迎夏之陽鵲鳩皆鳴群女出桑此郊之姝華色

含光體夷容冶不待飾粧於是處子悅若有望而不來忽若有來而不見意密體疎俯仰異觀含喜微笑竊視流眄因迂延而辭避且欲其顏心顧其義揚詩守禮終不過差故足稱也楚王稱善

洛神賦

曹植

黃初三年余朝京師還濟洛川古人有言斯水之神名曰宓妃觀二麗人於巖之畔邂逅褻者而告之曰爾有覲於彼者乎御者對曰臣聞河洛之神名曰宓妃君王所見無乃是乎其狀若何臣願聞之余告之曰其形也翩若驚鴻婉若游龍榮耀秋菊華茂春松鬋髮兮若輕雲之蔽月飄飄兮若流風之迴雪遠而望之皎若太陽升朝霞迫而察之的若芙蕖出綠波濃纖得中



脩短合度肩若削成腰若約素延頸秀項皓質呈露芳澤無加  
鉛華不御雲鬢裁蛾脩眉連娟丹唇外朗皓齒內鮮明眸善睐  
靨輔承權環姿豔逸儀靜體閑柔膚緜綿態媚於語言奇服曠世  
骨象應圖被羅衣之璀璨珥瑤碧之華裾戴金翠之首飾綴明珠  
而耀軀踐遠遊之文履曳霧縠之輕裾微幽蘭之芳馥步  
踟躕於山隅於是忽焉縱體以遨以嬉左倚采旄右陰桂旗攘  
皓腕於神滄兮采湍瀨之玄芝余情悅其淑美兮心振蕩而不  
怡收和顏以靜志兮申禮防以自持於是洛靈感焉徒倚彷徨  
神光離合乍陰乍陽竦輕軀以鶴立若將飛而未翔踐椒塗之  
郁烈步蘅薄以流芳超長吟以永慕兮聲哀厲而彌長歎瓠瓜  
之無匹詠牽牛之獨處揚輕袿之綺靡翳脩袖以延佇體迅飛

是飄忽若神凌微步羅襪生塵動無常則若危若安進止  
期若往若還轉盼流精光潤玉頰含辭未吐氣若幽蘭華容婀娜  
令我忘餐於是屏翳收風川戶靜波馮夷鳴鼓女媧清歌騰  
文魚以警乘鳴王鸞以借逝木龍儼其齊首戴雲車之容裔鯨  
鯢踊而來鼓水禽翔而爲衛於是越北沚過南岡綺素領迴清  
陽動朱唇以徐言陳交接之大綱恨人神之道殊怨盛年之莫  
當抗羅袂以掩涕兮淚流襟之浪浪悼良會之永絕兮哀一逝  
而異鄉雖潛處於大陰長寄心於君王

難在去愁

東坡云昨日太守楊君來通判張君規邀余出遊安國寺坐中  
論風氣養生之事余曰皆不足道難在去愁張曰蘇子卿幽雪



事類彙編卷之十二  
咽檀縮背出血無一語少屈可謂死生之際矣然不免為胡  
婦生子寓居海上且爾而况洞房綺疏之下乎乃知此事不易  
消除眾客皆大笑志林

古詩

古樂府

燕趙多佳人美者顏如玉被服羅裳衣當戶理清曲音響何  
悲絃急知柱促願為雙飛燕銜泥巢君屋

越女詞

李白

吳兒多白晳好為蕩舟劇賣眼擲春心折花調行客  
耶溪採蓮女見客棹歌回笑入荷花去伴羞不出來

河中之水歌

河中之水向津流洛陽有女名莫愁十三能織錦十四採桑南  
陌頭十五嫁作盧家婦十六生兒似阿侯盧家蘭室桂為梁中  
有鬱金蘇合香頭上金釵十二行足下絲履五文章珊瑚桂鏡  
爛生光平頭奴子擎履箱人生富貴何所望恨不早嫁東家王

麗人行

杜甫

三月三日天氣新長安水邊多麗人態濃意遠淑且貞肌理細  
膩骨肉勻繡羅衣裳照暮春蹙金孔雀銀麒麟頭上何所有翠  
微盈葉垂鬢唇背後何所見珠壓腰極穩稱身就中雲幙椒房  
親賜名大國號與秦紫駝之峰出翠金水精之盤行素鱗犀筋  
厭飲久未下鑿方縷切空紛綸黃門飛鞚不動塵御厨絲絡送  
八珍簫鼓哀吟感鬼神賓從雜遝實要津後來鞍馬何逡巡當



軒下馬入錦茵楊花雪落覆白蘋青鳥飛去銜紅巾炙手可熟  
勢絕倫慎莫近前丞相嗔

莫愁村

鄭谷

石城昔有莫愁村莫愁魂散石城荒江人依舊棹舴艑江岸還  
飛雙鷺鴦帆去帆來風浩渺花開花落春悲涼烟濃草遠望不  
盡千古漢江閑夕陽

薄命佳人

蘇子瞻

雙頰凝酥髮抹漆眼光入簾珠的皪故將白練作仙衣不許紅  
膏污天質吳音嬌軟帶兒癡無限閑愁總未知自古佳人多命  
薄閉門春盡楊花落

律詩

偶見

韓偓

靄爲襟袖王爲冠半似羞人半忍寒別易會難長自嘆轉身應  
取淚珠彈

秋千打困解羅裙指點醺醺酒一尊見客入來和笑走手搓梅  
子映中門

題美人

于鵠

秦女窺人不解羞花趁蝶出牆頭胸前空帶宜男草嫁得蕭  
郎愛遠遊

明妃村

杜甫

群山萬壑赴荆門生長明妃尚有村一去紫臺連朔漠獨留青  
塚向黃昏畫圖省識春風面環珮空歸月夜魂千歲琵琶作胡



語分明怨恨曲中論

贈美人

李群玉

裙拖大幅滿湘水。鬢聳巫山一朵雲。貌態祇應天上有。歌聲豈合世間聞。胸前瑞雪燈斜照。眼底桃花酒半醺。不是相如能賦客。肯教容易見文君。

贈美人

童孝標

諸侯帳下慣新粧。皆怯劉家薄媚娘。寶髻巧梳含翡翠。羅裙宜着繡鴛鴦。輕輕舞汗初霑袖。細細歌聲欲繞梁。何事不歸巫峽去。故來人世斷人腸。

詩話

荳蔻含胎

韓公

杜牧之詩。娉娉嫋嫋十三餘。荳蔻梢頭三月初。不辭荳蔻之含胎。本草荳蔻花作穗。嫩葉捲上一向生。初如芙蓉穗頭深紅色。葉漸展花漸出。而色微淡。亦有黃白色。似山姜花。花生葉間。南人取其大開者。謂之含胎花。言年尚少而娠身也。姚合威叢話

不受宮女

陳搏字圖南。唐僖宗封爲清虛處士。仍賜宮女三人。先生作詩曰。雪爲肌體玉爲腮。深謝君王賜到來。處士不生巫峽夢。虛勞雲雨下陽臺。唐瑣高議

雜著 係官粧

原髻之始

髻者繼也。女子必有繼於人。文姬氏以羊毛繩之。向後繫之以



荆木竹爲之并貫髮赫連氏造梳二十四齒取踈通之義堯舜以銅爲舜舜加女人首飾釵梳雜以象牙玳瑁爲之周文王髻上加翠翹花博之鈿粉其高髻名鳳髻又有雲髻加之步步而搖故曰步搖始皇宮中梳望仙髻漢宮有迎春髻漢武時諸仙從王母下降皆梳飛仙髻盤龍髻貫以鳳首釵孔雀搔頭雲頭篋掃八字眉漢明帝宮人梳百合分梢髻同心髻掃青黛蛾眉魏武宮人掃連頭眉晉惠帝宮人梳芙蓉髻通草五色花子掃黑黛眉一畫連心細長曰仙蛾粧隋文帝宮中梳九真髻唐武德中梳平蕃髻開元中梳雙鬟望仙髻貞元作偏髻子多載子

## 醜女

群書要語醜莫也穢也釋名此鼻之佳火遺媒娼音陪儻音臺  
嚴蒲北類差丈頰爲睢音佳頰音來頰音骨頰音期並醜也廣雅  
六極五曰惡洪範注醜陋陽文之與敦給咸得之於自然注  
陽文美女敦給醜女也劉孝標辨會命以德論毛嫱西施善毀者不能蔽其好以色論嫫母倭傀醜婦善譽者不能掩其醜王  
子秀論

詩句醜女來効顰還家驚四隣李白醜妻惡妾勝空房坡

### 古今事實

#### 嫫母勒眉

嫫母醜婦人也黃帝愛幸之纂文嫫母勒眉而自待楚辭

#### 閔后項瘤



齊宿瘤女者東郭採桑之女閔王后也項有大瘤

無益不售

齊鍾離春者無益邑女也其爲人印頭深目長壯大節鼻鼻結喉肥項少髮折腰出胸皮膚若漆行年二十無容入衛嫁不售流棄莫執於是拂拭短褐自詣宣王願得一見謂謂者曰妾齊之不售女也聞君王之聖德願備後宮之掃除謂者以聞宣王方置酒於漸臺左右聞之莫不掩口大笑曰此天下強顏女也宣王乃召而見之謂曰今夫人不容鄉里布衣而欲千萬乘之主亦有奇能乎無益對曰無有但揭目含齒舉手拊肘曰始哉始哉如是者四詳見皇后門宣王於是停漸臺罷女樂招進直言立太子進慈母拜無益爲王后而國大治列女傳

孟光黑肥

梁鴻之妻孟光醜黑而肥力能舉臼詳見婚姻門

阿承醜女見擇婦門

妻疥且痔

登徒子妻蓬頭耳旁行偃僕又疥且痔登徒子悅之生五子詳見美女門登徒子賦

醜妻誚夫

許允婦阮衛尉之女奇醜交禮竟允無復入內家人深以爲憂會客至婦令婢視之還荅曰桓郎蓋桓範也婦曰無憂桓必勸入桓果語許云阮家既嫁醜女與卿故當有意卿宜察之許爲回入內既見婢即欲出婦料此出無復入理因捉裾傳之許



謂曰婦有四德。卿其有幾。婦曰。新婦所乏。惟容耳。然士有百行。君其有幾。許曰。皆備。婦曰。丈夫百行以德爲首。君好色不好德。何謂皆備。允有慚色。遂相敬重。世說

反悅醜妾

兵部郎中朱熹妻有美色。天后時洛中殖業坊酒家有婢蓬頭垢面。偃肩瞠腹。寢惡之狀。舉世所無。朱悅之殆忘寢食。朝野僉載

古今文集

古詩

醜婦詩

劉思亨 初學記

人皆得令室。我命獨何咎。不遇姜任德。正值惡其婦。才質陋且儉。姿容劇媒母。鹿頭獼猴面。推額復出口。折頰廣面鼻。可恨如

如曰。膚如老桑皮。耳如側兩手。頭如研米槌。髮如掘掃帚。惡觀醜儀容。不媚似鋪首。闇鈍掠梳髻。刻畫又更醜。粧頰如狗舐。額上獨偏厚。朱唇如踏血。畫眉如鼠眉。傅粉堆頤下。面中不偏有。頰如鹽鼓囊。袖如常拂金。履中和泥。爪甲長有垢。脚骸可容筋。熟視令人嘔。

新編古今事文類聚後集卷之十二 終

十八冬



古今事考彙編卷之十二

元其有執事  
出仕備婦曰  
夫大行以終  
為且君好已  
不怒

卷之四

卷之六 天后 洛中 產業 乃有 家有 碑 文

卷之四

卷之四

五  
如藥所吹常貼金銀中吹吹爪甲是直共用爛瓦容

上覆而單木各咬咬血蓋盲咬鼠鼠新條數鼠一而中不鼠鼠

不計其數

白書中云英皇敕賜西王題以米鉢送收鉢鉢淨

This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some minor discoloration and a dark vertical crease or fold line running down the center. There is no text or other markings on the page.



